

3  
J. G. STOCKAR DE NEUFORN,

*Schafhusa - Helveti*

Traſtatus Chemico-Medicus

DE

S U C C I N O

I N G E N E R E ;

nec non

S P E C I A T I M

de eo, quod nuper in agris Wiſholzenſibus effoſſum eſt,

*in quo*

per tentamina chemica Natura Succini ſuccincte exami-  
natur, atque Auctorum de eo opiniones  
inveſtigantur, atque examinantur.



LUGDUNI BATAVORUM;

Apud CORNELIUM DE PECKER, 1761.

**I**n regimine humano, qui ad gubernacula sedent, p  
lo convenientia per prætextus & vias obliquas fel  
quæ volunt, quam ex directo superinducunt & insinuant. E  
(quod mirum fortasse videri possit) in rebus mere nat  
libus CITIUS NATURAM FALLAS QUAM PREM  
Adeo quæ ex directo sunt, inepta sunt, & se ipsa  
pediunt; cum contra, via obliqua, & insinuans mo  
suat & effectum sortiatur.

BACO de VERULAM. de Augu  
Scient. Lib. II. Cap. XIII.



# P R Æ F A T I O.

**M**ira est, quæ universum, quousque patet Naturæ Imperium, in unum quasi necit, & in eo subsequentium sese ordinum Initia & Fines inter confusos dubiosque reddit, partium illius in se generalioribus quibusdam dotibus convenientia. Nec est, cur illi, qui generatiori Naturæ Systemati condendo insudant, de hac difficultate soli conquerantur, vel præterea Chemicam scientiam incusent, quasi hæc, quos sua arte eruere valet, naturalium corporum characteres, vel invida sibi soli servaret, vel laboris impatiens negligeret.

Habent profecto magis obvia differentiarum signa, qui in ordinandis qualicumque demum vitâ animatis Naturæ corporibus versantur. Nam sive attendant ad Animans illud, Vitale, à perfectissimo animali ad informem usque rupem diversum, variisque  
A per-

## P R Æ F A T I O.

perfectionis gradibus distinctum; sive ad determinatam cujuscunque rerum naturalium generis structuram: Clarissimam ubique lucem percipiunt, qui hac via Naturæ Regna lustrare cupiunt.

Quam autem corpora Chemico examinanda oblata monstrant faciem? Quantum mutatam ab illa, qua in natali sibi loco viva adhuc gaudebant? Jam vel mortua, aut de matrice sua exempta vel mutilata, saepe umbram tantum pristini referunt status. Sunt quidem Chemiæ, quibus corporum analysin tentare valet instrumenta: An vero semper veræ & omnes illæ sunt partes constitutivæ, quas destruens sæpe ignis, vel chemico potens acri menstruum in corporibus monstrat? An eadem semper forma, qua nunc Chemiæ vires passa apparent, antea in corporis compositione jam exstiterunt? Fatendum quidem hoc sæpius contingere; sunt Chemiæ analyses, quæ corporum partes constituentes tam parum mutatas sistunt, ut Operator componendo pristinum



## P R Æ F A T I O.

*Primum corpus denuo producere valeat: Id autem tantum abest, ut semper obtineat, ut sæpissime ne quidem possibile sit partes resolvendo acquisitas in corpus homogeneum rursus cogere; vel si aliquando jungere possis, compositum à priori toto cælo diversum inde obtineas. Sed forte in Animalibus & Vegetabilibus solis hæc observatur difficultas. Forte durius Fossilium genus hunc eludet terrorem, quæ, ut vulgo dicunt, nunquam viva, nullum quoque timebunt mortem. Sed ipsa illa firmior, solvique impatiens compages fortiora quoque & intensiori vi applicata requirit menstrua, quarum actione, Natura quæ falli amat, sæpe premitur, & sic coacta aliunde sibi afflictam assumit faciem.*

*Miraberis ideo meam temeritatem, quod prævisis hisce difficultatibus facillique errandi opportunitate, chemicam tamen, & fossilis quidem corporis, analysin tentare audeam. Juvenili forte levitate ductum, fingere me dices, quæ institui, experimenta.*

## P R Æ F A T I O

*Fateor sæpe mihi hæc mecum reputanti hæ-  
sisse animum : Omnia tamen vicit Patriæ  
dulcis amor Urbis, cujus confinia si Succini-  
fera evicero, scopum meum attigisse mihi  
videbor. Denique ad opus suscipiendum  
& perficiendum multum excitavit sociata  
Amicorum Optimi J. H. ZIEGLERI, cum  
propria in experimentis instituendis indu-  
stria, cujus ut vitæ suavissimum, sic &  
laborum conjunctissimum consortium letus  
mihi gratulor.*

TRAC




# TRACTATUS CHEMICO-MEDICUS DE

## SVCCINO

in genere, & speciatim de eo, quod  
nuper in agris Wisholzenzibus  
effossum est.

### §. I.

uccini antiquissimis temporibus celebrem  
fuisse memoriam, varia in Veterum mo-  
numentis de hoc corpore relictā evin-  
cunt testimonia. Et licet hujus cum  
aliis corporibus multiplex *homonymia*  
(a) ambiguum sæpe reddat Auctorum sensum,  
superfunt tamen, & quidem satis copiosa vesti-  
gia, è quibus idem corpus, quod nostris tempo-  
ribus hoc nomine venit, à Veteribus intellectum  
patet.

§. II. Apud *Græcos* nomine Ἠλεκτρον ejus men-  
tionem  
A 3

(a) Vide Celeberr. J. M. GESNERI Prælect. de Ele-  
ctro Veterum. Com. S. R. S. Gotting. Tom. III.  
p. 67, §. I. — VIII.

tionem faciunt HOMERUS (b), PLATO (c), HERODOTUS (d), DIOD. SICULUS (e), ARISTOTELES (f), THEOPHRASTUS (g), DIOSCORIDES (h), ÆGINETA (i). Recentiori & semibarbaræ Græciæ BEGVIN, BEGVIN Electrum notabat (k). Id quidem notissimum fuit, quamdiu Phœnices, & in his præsertim Sidonii floruerunt navigationibus, commerciis, opibus soli velut domini maris & divitiarum, Electrum ab Æsthiarum littoribus advexerunt, qui ut soli sibi illos πόντος, reditus illos, servarent, non temere neque promiscue de illis locis & itineribus suis retulere ——. Vastatâ autem suâ cum Sidone Phœnice — in obscuro mansit, donec Romana bella apperierunt Germaniæ Septentrionalis ad Orientem littora (l).

§. III. Hâc ratione de novo quasi detectum, quod in obscuro latuerat Succinum, Romanis, Neronis inprimis temporibus, in pretio esse cœpit, cum summi Imperii comes luxus subjugati orbis spoliis uti victores docuisset. Inde à plurimis illorum Scriptoribus, nomine *Succini*, *Electri*, *Glessi*, laudatum fuit: Inter quos præcipui Poë-  
tæ 2

(b) Odyss. L. III. v. 73. XV. v. 459. XVIII. v. 295.

(c) In Timæo. p. 545.

(d) Histor. L. III, Cap. 115.

(e) Libr. VI. Cap. 8.

(f) Meteorol. Lib. IV. Cap. 10. Mirab. Ausc. Lib.

(g) Libro αἰθρῶν Cap. 6.

(h) M. Medic. L. I. Cap. 113.

(i) Pharmac. Simpl. p. m. 24.

(k) Gesner. l. c. p. 95.

(l) Ibid. p. 89.



*ta*, OVIDIUS (*m*), MARTIALIS (*n*); *Philosophi*, PLINIUS (*o*), ejusque Epitomator SOLINUS (*p*); *Historici*, TACITUS (*q*), CASSIODORUS (*r*), alique plures.

§. IV. *Arabes* dein, ad quos cum Imperio Scientiæ transiverant, hinc inde Succini mentionem injiciunt. Varia autem, & inconstans, quâ usi fuerant, hujus corporis appellatio, facile errorem gignere potest. Maxime usitatum fuit apud illos nomen *Carabe*, vel *Cecabre* (*s*). Ubi *Ambram* dicunt, sæpissime *Ceti Sperma* intelligunt (*t*). Apud AVICENNAM Cap. 349. *Haurum* pro lacrymâ Populi (*Succino*), & Cap. 375. *Carabe* pro Populo ipsâ venit. Et teste Serapione (*u*) *Carabe* cum *Sandarachâ* sæpius confundunt.

§. V. Post Arabum Tempora labescentem de novo Succinorum memoriam primus revocavit ALBERTUS MAGNUS (*v*), Dein Germanorum *Historici* KRANTZ, OLAUS MAGNUS (*x*), MUNSTERUS, qui *Agtstein*, *Boernstein*, *Bernstein*, forte

(*m*) Metamorph. II. v. 264.

(*n*) Epigr. L. III. 65. IV. 31, 59. VI. 15. alibique passim.

(*o*) Natur. Histor. Libr. XXXVII. §. 1. 12.

(*p*) Polyhistor. Cap. 20.

(*q*) de Moribus Germanorum.

(*r*) Varior. Libr. V. Ep. 2.

(*s*) Mesue. Avicenn. vid. Antid. Nicol. fol. 234.

(*t*) Mesue Synon. Libr.

(*u*) Oper. Cap. 356.

(*v*) De Rebus Metallicis & Mineral. Libr. V. Colon. 1541. in octavo.

(*x*) Gent. Septentrion. histor. p. m. 379.

te a Græco Βερίκη appellant. Magis tamen postea Seculo XVI. laboribus AGRICOLÆ (y), AURIFABRI (z), GOEBELII (a), CONR. GESNERI (b), WIGANDI (c), WILLICHII, inclaruit. Principes hi sunt, ex quibus sequentis Ævi Scriptores ad HARTMANNUM (d) usque sua fere omnia transcripserunt. Hartmannum dispersa hinc inde in publicis Monumentis Tentamina & SENDELIANA (e) scripta excipiunt. Hæc Succini in Historiâ Litterariâ fata. Jam cuiusnam rerum naturalium ordini commode adscribi possit dispiciendum erit.

§. VI. Diversi admodum Corporum vulgo *Sulphurea* dictorum ordines, eo præcipue nomine sub unâ eâdemque classe militare videntur, quod omnium horum compositionem acidum materiei inflammabili junctum ingrediatur. Ubi acidum illud universale, nomine vitriolici acidi vulgo notum, cum phlogisto puro absque accessu alterius principii junctum est, *Sulphur vulgare* oritur; si vero, vel idem acidum, vel aliud, una cum Phlogisto, Terrâ

(y) De Natur. Fossilium Libr. IV. Bas. 1558. fol.

(z) Historia Succini. Regiomont. 1557. fol.

(a) De Succino Libr. II. Francof. 1558. 8vo.

(b) De omni rerum fossilium genere. Tig. 1565. 8vo.

(c) Vera historia de Succino Prussico. Jen. 1590. 8vo.

(d) Succini Prussici physica & civilis Histor. Franc. 1677. 8vo. Ejusd. Succincta Succini Prussici historia. Berol. 1699. 4to.

(e) Electrologiæ Missus I. II. III. Elbingæ 1725 — 28. 4to. Histor. Succinorum aliena corpora involventium. Lipsiæ 1743. fol.



Terrâ & Aquâ in unum corpus coalescit, *Bitumen* illud vocamus. Variorum itaque Bituminum essentialia differentiæ Chemicis in diversâ horum principiorum illa constituentium naturâ, & variante eorundem proportionæ quærendæ erunt. Si *externus habitus*, aliæque sensibus facile percipiendæ proprietates in auxilium vocantur, distingui poterunt Bitumina, in

I GRAVEOLENTIA.	1. nuda	a fluida	Vapor inflammabilis (f).		
			Naphtha.		
			Petroleum.		
				Oleum terræ.	
				Balsamum fossile.	
		b molle	Pissasphaltum.		
		c solidum	Asphaltum, s. Bitumen Judaicum		
	2 vestita	{	matrice terreâ	Cespites bituminosi.	
			lignæ	Lignum fossile.	
			lapideâ	molliori Lithantra.	
duriori Gagates.					
II SUAVEOLENTIA.	{	molle, tenax, fragrantissimum Ambra.			
		durum, compactum. Succinum.			

*Est itaque Succinum Bitumen suaveolens, durum, compactum.*

§. VII. Vario quidem modo, & diversâ admodum facie corpus hoc nobis sese sistit. Nunc Ponti undis eripitur, modo ex arenâ, alibi ex luto effoditur, vel è durissimâ rupe excinditur; aliud pelluciditate, & diverso quo tinctum est colore

(f) Engelb. Kämpfer *Amœnitates exoticæ*. Lemgov. 1712. 4to. Fascic. II. Rel. 2. §. 6.

lore, gemmas æmulatur; opacum aliud variis ludit coloribus; aliud inclusa tenet aliorum corporum reliquias; dum aliud intus quasi pictis nubium, radiorum &c. simulacris oculos delectat. Externâ suâ conformatione certam nonnunquam affectat figuram, plerumque tamen in informes massas concrefcit.

§. VIII. Hæc tamen omnia non satis distinctos suppeditant diversarum ejus *Specierum Characteres*. Et forte Succina quæcunque gradu tantum perfectionis & ætatis inter se differunt, ut eorum quoad externum habitum, non diversæ *Species*, quod dicunt, sed *Varietates* solummodo constitui possint. Si tamen *Differentias* statuere placebit, pro vario collectionis modo erit, vel *Haustile*, quod ex vadoso ad littora Mari Baltico, vel alluentibus ejus undis ope reticulorum, hamorum aliorumque huic negotio accommodatorum instrumentorum hauritur; *Lectum* quod fluctuum impetu in littus expulsum inter arenas & algas cum aliis maris ejectamentis sepultum invenitur; *Fossile* quod fodiendo ex terrâ eruitur.

Si colores vel reliquum externum habitum in censum vocare libet: Succinum erit vel

DIAPHANUM,

*Vacuum* coloris aquei, aurei, rubentis, viridis.

*Aliena inclusa tenens*, Animalia, Vegetabilia,

Fossilia. Vel

OPACUM,

*Purum*, *Impurum*, colore, consistentiâ, figurâ, picturâ varium.

Pleniores harum varietatum enumerationes vide



vide apud KENTMANNUM (g), FISCHERUM (h), HELWINGIUM (i).

§. IX. Perfecto Succino inprimis albo multi *saporem* adscribunt, quem dulcem alii, alii subtilissime falsum affirmant. Quantum gustu, & experimentis examinare mihi licuit, in Succino bene mundo nullum deprehendi. Aliquot uncis Succini communis in retortâ vitreâ aquam destillatam affudi, leni igne aquam avocavi, sic tertiâ vice cohobando, rediit aqua prorsus, ut prius erat, insipida, leviter tantum odorata; nec illa, quam in retortâ reliqueram, aqua, saporis aliquid monstrabat, turbata paululum fuit, & filtrata post evaporationem reliquit paucum materiæ viscidæ nigricantis, ab inhærente, ut videtur, Succini asperis crustis, quibus ejus frusta plerumque obducta sunt, impuritate, quæ forte multis imposuit, præsertim ubi haustilia, marinæ aquæ diu exposita, examini adhibuerunt.

§. X. Manifestius autem proprio sibi gratoque, quem tritum vel accensum spirat, *odore*, à reliquis Bituminibus se distinguit Succinum. Satis hic notus, meliusque sentitur quam describitur. In albo & ad illud accedente fragrantior est quam in flavescente. Mallem tamen illum tantum quem tritu vel igne leviter calefactum exhalat, verum

(g) Nomenclat. rerum fossil. ed. Gesner. Tig. 1565. 8vo. p. 22.

(h) Grundlegung einer Historie des unterirdischen Preussens Königsberg. 1714. 4to. p. 8.

(i) Lithograph. Angerburgica. Regiomonti 1717. & Lips. 1720. Tom. II. p. 76.

& specificum Succini appellare odorem: cum accensi, jamque destructionem subeuntis fumi, oleum, vi ignis elevatum, quod brevi empyreuma contrahit, potius oleant, quam fragrans illud Succino proprium, quod non inepte *Spiritum ejus rectorem* dixeris.

§. XI. In magnâ *colorum* varietate inconstans æstimatio, nunc huic, modo alio pretium addit, prout egregiâ facie oculos oblectat, aut raritate sese commendat. Plinii tempore summa laus erat Falernis, aliis decocti mellis lenitas in Succino placebat (*k*); nunc vero pellucidi, candidi, vel & viridis (*l*), quod inter rarissima habetur, maximum pretium statuitur.

§. XII. Durum, fragile, ubi perfectum est, sese monstrat; duritiei tamen diversi admodum gradus obtinent. Opacum album præ reliquis magis friabile est.

§. XIII. *Pondus specificum* ad Aquam à Celebrissimo van MUSSCHENBROEK (*m*) determinatum

in Succino	{	pellucido	1, 065 ::	} 1, 000.
		pingui	1, 087 ::	

§. XIV. Huic tandem corpori celebris inter Physicos hodiernos *Electricitas* nomen debet. Quævis corpora in viciniâ posita alliciendi & repellendi

(*k*) Plin. l. c.

(*l*) Helwing. l. c. p. 77.

(*m*) Institut. Physicæ L. B. 1748. 8vo. p. 360.



lendi, in Electro primum fuit observata (n).

§. XV. Recensitis hucusque externis maximeque obviis Succini proprietatibus ad rigidius, *Chemicum* nimirum, hujus corporis *Examen* trans-eundum erit: ut habitum ejus ad diversa menstrua, analysin, diversas partes componentes chemicâ arte inde eliciendas, earumque naturam detegamus, quo facto demum possibile erit de Succini ipsius naturâ & usu oeconomico æque ac medico quodammodo judicium ferre.

§. XVI. *Aquam* Succino vix ullam mutationem inducere, jam [§. IX.] observatum fuit. Calidam illi affusam saporem aromaticum contrahere & post evaporationem crystallos salis Succini relinquere Cl. GODOFREDUS (o) testatus est. Hâc tamen ratione non obtineri nisi fordes Succini & parvam salis communis quantitatem, materiæ mucilaginosæ intermixtam, cujusmodi ex Succini librâ integrâ vix unica drachma extrahitur, optime observavit Cel. PORT (p).

EXPERIMENTUM. In aquâ ebulliente per nycthemerum detentum Succinum, colore, consistentiâ &c. immutatum permansit. Aqua turbida insipida levem tantum odorem monstrabat; in fundo vasculi turbulentum, mucilaginosum magma sub-

(n) vid. Cl. v. MUSSCHENBROEK l. c. p. 198. & Cl. BOSE tentamina Electrica Commen. l. p. 17. 18. Comment. II. p. 56.

(o) Memoires de l'Academie Royale des Sciences de Paris 1738.

(p) Memoires de l'Acad. Roy. des Sciences de Berlin, 1753. p. 51, 71.

subfederat, quod prorsus siccatum in fuscum leviter amaricantem pulverem fatiscuit.

§. XVII. EXPER. I. Cum *spiritu vini* rectificatissimo solutionis quædam species nascitur. Alcohol Succino in tenuissimum pulverem trito affusum, si accedente leni calore digestionis exponatur, in rubicundam, medico usu notissimam Succini *Tincturam* abit; quod secundum ILL. BOERHAVE (*q*) eo citius & felicius contingit, si Succinum prius in pollinem tritum cum oleo alcalino in pastam subigitur, exsiccatum deinde, postea deliquio exponitur, denuo exsiccatum iterum deliquescit, & sic aliquoties, ut Succinum quantum fieri potest ab alcali penetretur, & ad solutionem quasi aperiatur. An vero hæc perfectæ solutionis nomen meretur? Vix dixeris, si consideres hæc ratione, quidquid ages, non nisi perparvam ejus partem solubilem esse, sæpius licet repetitâ novi alcoholis affusione; quin imo novus v. sp. quater vel quinquies affusus vix amplius rubescente colore tingitur.

EXPER. 2. Sic parata *Tinctura* aquâ affusâ statim turbatur, ex rubicundâ fit lactea, & pulvisculus qui ei innatat tam tenuis est, ut per chartæ emporeticæ poros, una cum sp. v. transeat, nec morâ in fundum subsidat. Ad gustum si exploretur tinctura, sentis saporem gratissimum succineum, quem facile detegis ab eodem corpore procedere ac Succini odor, qui nares afficit; simul etiam præcipitationem pulvisculi fieri lingua percipit, qui o-

(*q*) *Elementa Chæmiæ* L. Bat. 1732. 4to Tom. II. Process. 58. p. 232.



mini sapore jam deleto insipidus illi adhærescit. Si quis *Magisterium Succini* ex hac tincturâ acquirere cupiat, acida vel alcalina quæcunque superaffundat, oportet: Fit inde inprimis ab oleo vitrioli præcipitatio materiæ magis flocculentæ, quæ illico in fundum subsidit, abluta & exsiccata Succini odorem spirat. Eam autem verum Succinum esse, quo minus affirmem, sequens Experimentum obstat.

EXPER. 3. Tincturæ uncias aliquot destillationi ex retortâ commissi, eo scopo, ut quidquid olei, salis, aut terræ in se contineret, (quæ omnia in Succino inveniri postea dicetur,) inde separarem. Obtinui alcohol purum, excolor, Succini odore fragrantissimum. Ad gustum si exploretur sapor exquisitior fere, ac in ipsa tincturâ deprehenditur, cum pulvisculus ille iners plane absit. Sic acquisitum alcohol ab affusâ aquâ &c. non turbatur; quo patet præter spiritum Succini rectorem, nil quidquam amplius heterogenei in illo contineri. Alcohole omni abstracto in retortæ fundo perparum materiæ profunde rubræ, mollis, tenacis remansit, quæ intensiori igne coacta in inferiori colli retortæ parte, & ad latera in strias disposita hæsit. Salis autem prorsus nihil comparuit, certo indicio nihil ejus in tincturâ exstitisse.

EXPER. 4. Ex hoc fundamento *Spiritus Vini* quem *Succinatum* dicas, cum pulvere illo inerti, qui utpote salivâ præcipitandus dubiæ utilitatis videtur, non intermixtus, compendio, & quidem melior, absque ullâ fere partium maxime volatilium jacturâ obtineri potest. Sumsi Succini subtilissime triti unciam  $1\frac{1}{2}$ , superaffudi alcoholis uncias

cias iij, & destillavi. Ne autem empyreumatis periculum sit, requiritur ignis lenissimus, quo alcohol vix ad ebullitionem deducatur; à nimis intenso enim succussus violentissimi fiunt, & Succinum fundo se affigens facile aduri posset; alcohol etiam eandem ob causam ad siccitatem usque non est abstrahendum. Obtinui sic alcohol Succini spiritu rectore quam saturatissimum, odoris saporisque gratissimi. Secundâ vice recens alcohol pondere unciar. ij. super eodem Succino destillatum rediit tale fere, quale in primâ destillatione obtinueram, ut Succinum nondum exhaustum fuerit. Ulterius iteratâ operatione, adhibendi alcoholis ad Succinum proportio facile determinari posset.

Consequitur adeo, ut qui Tincturam Succini quærat simul & spiritu & corpore Succini imprægnatam, hinc efficacissimam, alcohole uti debeat prius de Succino abstracto, dein cum recente Succino digesto. Quod ipsum in parandis etiam aliarum rerum tincturis ex usu esse posse quisque facile animadvertit.

§. XVIII. *Salia omnia*, si unicum Vitrioli oleum excipias, nullum Succino accommodatum menstruum exhibent.

EXPER. I. Succinum in tenuissimum pulverem tritum per plures dies in fat intenso calore cum concentratissimis æque ac dilutis, Aceti, Salis communis, Nitri *Acidis*, digestionem incassum exposui. Cum *Alcalicis* volatili, fixo, & caustico quoque eodem modo, sed irritò eventu tentavi,

quam



quamvis Cl. HOFFMANNUS (r) lixivio salis alcalini caustici *decenti coctione fere totum solvi* doceat, & sic factam solutionem etiam pro usu medico commendet.

EXPER. 2. *Vitrioli oleum* perfectum. Succini menstruum est, quo vix aliud invenies potentius, quod sese cum eo tam brevi tempore in homogeneam massam jungat. Oleo Vitrioli in phiala contento injeci Succini frustula; innatant statim liquoris superficiei ob gravitatem specificam minorem; nihilominus tamen brevi omne vitrioli acidum, ut ab inflammabili quocunque admisto solet, colore magis magisque rubro, tandem saturatissime purpureo tingitur; Succinum denique in fundum subsidens totum solvitur.

EXPER. 3. Quæ sic acquiritur solutio perfectissima, tota per filtrum chartaceum transit; ast miscelæ est impatiens. Superaffusis acidis quibuscunque, alcalicis, spiritu Terebinthinae, alcohole, aquâ &c, fit semper subita pulcherrimi liquoris turbatio & materiæ flocculentæ *præcipitatio*, quæ abluta & exsiccata in subtilissimum grisei coloris pulverem fatiscit. Is non amplius grato Succini odore placet, sed tetro, piceo nares pungit.

§. XIX. EXPER. I. Succinum sub diuturnâ cum *Sacharo* liquefacto coctione nullam plane passum fuit mutationem.

EXPER. 2. *Ceræ* ad ignem fluenti injectum, paululum mollescit; frigore vero pristinam duritiem

(r) Observationes Physico-Chemic. L. II. Obs. xxiii, p. 202.

ritiem recuperat. Coloris post refrigerationem superstes fit mutatio; ex citrino, quod adhibueram, profunde flavum accepi.

EXPER. 3. Cum *Sulphure* liquefacto coctum easdem, quas cum cerâ mutationes, majore tamen gradu, subit.

EXPER. 4. Intactum quoque manet, si aliquamdiu infra *Plumbum* liquefactum detineatur, nisi quod color paulum obscurior evadat.

§. XX. Multo vero felicius Succini in *Oleis* & *Balsamis vegetabilium* succedit solutio. Hæc, multo licet difficilior illâ cum oleo Vitrioli, tamen ob varios, quibus inservire potest usus, quam maxime præferenda erit, quum illa vix ullius sit utilitatis. Succinum cum duabus partibus olei Amygdalini in machinâ Papinianâ inclusum, post horæ spatium in *gelatiniformem* & *pellucidam massam colliquatum* paucio oleo *supernatante* invenit Cl. HOFFMANNUS (s). Cæterum apud principes auctores de Succini in oleis solutione vix quidquam exstat. Nonnulli arcana artificia jactant, multi eam prorsus negarunt, vel adeo coctione cum oleis Succinum magis indurescere dixerunt (t). Cl. NEUMANNUS, quæ in aliis scriptoribus de hoc negotio legerat minus sufficientia declarans, semet multa incassum tentasse fatetur (u). Paucis itaque, quæ ipse, & quo eventu instituerim experimenta, proponam.

EXPER. I. Succini diversi coloris fragmentis, vitris

(s) L. c. p. 203.

(t) Hartmann. Hist. Succ. Pruss. Lib. II. p. 203.

(u) Lest. publ. de Succino &c. Berolini, 1730. 4to.



vitris cylindricis colli angustioris immixtis, superaffudi duplum vel ultra olei, ut ejus superficies illo bene tecta esset. Olea & Balsama, quæ adhibui, sunt sequentia. *Ol. Raparum, Papaveris, Amygdalarum, Olivarum, Nucis, Lauri excoctum, Rosmarini, Cajeput, Succini, Bals. de Copaivâ, Terebinthina.* Vitri aperturâ obturaculo clausâ omnia hæc vascula in balneo arenæ reposui; sic spatium circiter septimanæ facta digestionem, lenique coctione, sequentes solutiones accepi.

Cum *Balsamo de Copaivâ & Terebinthinâ* solutio profunde rubra, refrigerata in massam solidam fragilem ejusdem coloris abiit.

Cum Oleo <i>Raparum</i>	Solutio pulchre flavescens coloris.
———— <i>Papaveris</i>	———— ex rubro flavescens.
———— <i>Olivarum</i>	———— pulcherrime rubicunda.
———— <i>Nucis</i>	———— coloris magis saturati, in fundo deposuit paucum materiæ mucilaginosæ, albicantis, quam in nullâ aliâ solutione observavi.
———— <i>Lauri</i>	———— rubro-purpurea. Ea id maxime singulare habet, quod cum Oleum Lauri in Atmosphæræ temperie butyri instar spissum sit, post factam cum eo

Suc-

Cum Oleo *Lini*

————— *Amygdalarum*

————— *Succini*

Succini solutionem fluidum maneat.

Solutio aurei coloris. ————— flavescens, pulcherrima.

prorsus intactum permansit Succinum, et si, ob ejus magnam volatilitatem, novum subinde oleum affunderim.

Oleum *Rosmarini* & *Cajeput*, utpote nimis volatilia antea avolant, quam Succinum quodammodo tantum ab illis penetretur : & sane nimis sumtuosum foret recens aliquoties oleum affundere, donec solutio, si vel fieri possit, ad finem perducatur. Id incommodi in aliis quoque oleis destillatis obtinet : Expressa hinc pro hoc negotio præferenda sunt. Forte præcaveri posset dissipatio, si digestio in Phiâlâ chemicâ longioris & angusti colli institueretur. Pro his Experimentis Succinum in frustulis adhibui, ut eventus eo certior essem ; non tamen cum omnibus, quorum ope Succinum liquefieri observatum est, æque cito absolvitur hæc solutio : omnium difficillime fit cum oleo amygdalino. Multum adjuvatur vaporum, quantum citra vasorum dislosionem fieri potest, compressione : eam itaque ut magis intendere possem, aliâ viâ hancce cum oleis solutionem tentavi.

EXPER. 2. Immisi Succinum in pulverem tritum cum oleis modo recensitis in vascula ampullata lapidea angustioris orificii : hæc subere clausa prunis



nis ardentibus cinere tectis imposui, ut oleum ad ebullitionem perduceretur. Sic spatio 12 plus minus horarum solutiones æque perfectas & pulchras, ac priores acquisivi. Hoc modo non æque magnum dislosionis est periculum, licet obturacula vasculis satis firmiter apprimantur, si nimia sit vaporum elasticitas, illa cum impetu quidem, sed absque vasculi rupturâ deiciuntur. Atamen ut omne discrimen evitetur, juvat ad obturaculi latus crenulam excindere, per quam vaporibus continuo ascendentibus via quædam ad exitum pateat: hæc enim medela solutionem non multum impedit.

EXPER. 3. Omnes hæ solutiones perfectam cum Spiritu Terebinthinæ miscelam subeunt, cum Alcohole recusant. Illæ quæ cum Oleis Lini, Lauri, Papaveris, Nucis, Balsamo de Copaivâ, Terebinthinâ factæ sunt, quadruplo spiritus Terebinthinæ dilutæ, *Vernicem* satis cito siccandam, duram, tenacem, splendidam, satis albam constituunt, multum sane præstantiorem illâ, quam ex Colophoniâ Succini parant artifices, cujus mentionem facit Cl. HOFFMANNUS (v), nisi hanc ad Aurichalcum aureo colore tingendum adhibere velis.

EXPER. 4. Solutiones æque ac Vernix inde parata amice cum Oleo Vitrioli in homogeneous liquorem junguntur, colore tantum in profunde purpureum mutato; à reliquis acidis intactæ manent.

§. XXI. An forte ex his solutionibus per conveniens præcipitans perfectius *Succini magisterium*, quam quidem ex acido vitriolico obtineri

pos-

(v) L. c. p. 203.

posset? Id fieri posse non nego, ipse tamen incassum tentavi. Putaveram fore, ut lixivii alcalini ope oleum à solutione abstraheretur, quo facto Succini pulvis in fundum præcipitaretur. Solutio si calido lixivio paulatim instillatur, statim boni successus spes quædam nascitur; turbatur enim, & si liquor omnis fortiter concutitur, lactescit; flocci materiæ albæ per agitatae aquæ impetum in gyrum torquentur, eo vero sedato omnis materies lixivii superficiem petit. Sive jam filtres liquorem, sive pergas fortiter concutere, sive digeras, nunquam tamen Succinum ab oleo liberatum acquiris, sed omnis tandem flocculenta materies in spissam, flavescentem, tenacem, quodammodo fictilem pastam concrecit. Nec cum Alkali caustico præcipitatio felicius succedit.

§. XXII. EXPER. I. Succinum Nitro in crucibulo candenti injectum, cum illo detonat, non tamen æque magno cum strepitu, ac carbonēs lignorum facere consueverunt. Desinit detonatio, si quantitas injecti Succini ad Nitrum est uti 3 :: 4. Saturatione sic factâ, Nitrum in merum alcali fixum conversum deprehenditur, eâdem plane ratione ac cum alio inflammabili deflagrando mutatur. Id sponte & cito quidem deliquescit.

EXPER. 2. Subdupla Succini ad Nitrum quantitas, quam Cl. BOURDELIN (\*) ad hanc operationem cum Nitro tritam adhibere jubet, non sufficit ad dissipandum omne, quod Nitrum continet acidum: si enim detonatione eo usque per-

(\*) Memoires de l' Acad. R. des Sc. A. 1742. Paris 4to p. 166.



actâ, Succinum ulterius injicere pergas, denuo strepitans deflagratio excitatur. Ubi aquâ solvitur residuus Sal, fit lixivium pro maximâ quidem parte alcalinum. Si lentæ evaporationi & crystallisationi exponitur, hinc inde sat magnæ veri Nitri crystalli comparent, quæ nitrosam suam naturam figurâ & deflagratione cum carbonibus probe evincunt.

§. XXIII. EXPER. Succinum cum *Alumine* calcinatum constituit *Pyrophorum Hombergii* quam perfectissimum. Hujus tamen præparatio aliquantum ab illâ, quæ cum Amylo fit, diversa est. Alumen, priusquam cum Succino misceatur, ad plenam siccitatem usque in sartagine torreatur oportet, aliâs in grumos ambo concrescunt, quibus æquabilis olei & aquæ evaporatio impeditur. Alumine jam tosto summi ad ejus partes tres Succini bene tritæ partem 1. Id absque præviâ ustulatione alumini admiscendum est, quoniam si separatim torreatur, ut cum amylo fieri solet, omne fere phlogiston dissipatur; sed si una cum alumine torreas, res bene succedit. Amborum tunc ustio patienter continuanda est, donec nulli amplius fumi exsurgant. Hoc facto omnis massa denuo bene trita phialæ siccissimæ dupli capacis immittatur, quæ crucibulo sic imponatur, ut undique arenâ cingi possit. Ignis paulatim ad eum gradum augendus, quo fundus phialæ, & materies in eâ contenta candeat. Si cœruleam flammam ex collo phialæ eructari animadvertis, orificium paulatim penitus claudendum est, & ignis diminuendus, ut omnia sponte refrigeant. Sic procedendo obtinui Pyrophorum penitus flavescentis, sulphurei  
colo-

coloris, quum, qui ex Amylo fit, flavâ tantum crustâ indutus, intus ex fusco nigricat. Repetito experimento ejusdem coloris Pyrophorum acquisivi, qui in aëre libero sponte accensus vividam cœruleam flammam alit.

§. XXIV. Restat adhuc potentissimum Succini menstruum, quod non tantum nexum inter partes ejus constituentes plane dissolvit, sed illas quoque separatas ulteriori Examini sistit.

EXPERIM. Ignis solus determinato regimine Succino applicatus ex illo elicit *Phlegma* sive *Spiritus*, *Sal*, *Olea* diversæ indolis; relinquit *Carbonem nigrum*.

Forte superflua videri posset amplior hujus operationis, quæ apud plurimos Auctores nomine *Analyseos Succini* tradita est, descriptio. Magnus tamen inter illos, præcipue circa productorum successionem dissensus, ut quantâ valerem accuratione, & repetitis vicibus idem tentamen instituerem, mihi persuasit. Quâ ratione, quo eventu paucis indicabo.

Succinum in pulverem radiorem contritum immisi retortæ vitreæ colli longioris, non nimium incurvati, (eo fine ut elevatus sal, quo se affigeret, locum inveniret, & sublimatus non facile in excipulum delaberetur) in incipiente curvaturâ latioris, tantæ capacitatis, ut dimidia vel tertia saltem ventris pars vacua remaneret. Hanc reposui in Balneo Arenæ, admovi excipulum satis capax, quod luto ad collum firmavi. Leni igne instructo prodit *Phlegma* primum excolor, postea magis magisque lactescens,



cens, & simul cum phlegmate parum limpidissimi Olei, quod lactescenti phlegmati immixtum, morâ dein sponte ab illo separatur. Quum hoc caloris gradu nil amplius prodit, admoto alio excipulo, & igne paululum aucto, brevi exsurgunt vapores denfi, cani, retortæ collum & totum excipulum albidum offuscantes. Interim jam purum *Oleum* in excipulum depluere incipit, simulque comparent *Spicula salina*. Hæc prius secundum longitudinem colli porrecta, mox apicibus suis alia aliis inordinate affixa, modo se invicem decussantia, plerumque parieti colli perpendiculariter insistentia, tegmen efficiunt albissimum retortæ collum fere obturans. Dum hoc igne sal omnis in altum elevatus est, liquescit Succinum, pergit interim depluere *Oleum* magis flavescens, aucto iterum igne flavum, sensim crassius magisque fuscum; donec tandem igne, quo balnei olla ferrea penitus candescit, nigrum, spissum picis adinstar in collo retortæ permanet. Emuncto sic omni prorsus oleo in fundo retortæ residuus invenitur *Carbo niger*, durus, spongiosus.

Hæc methodo ex uncis *xii*. *Succini vilioris*, haustilis, vulgo *Schlug* appellati accepi

Phlegmatis & Spiritus	℥ij.	℥ij. gr. xvj.
Olei	℥viiij.	— gr. xxiv.
Salis eloti crystallis	—	℥ij. gr. L.
Resid. Carb.	℥j.	— gr. xlv.

Ex eâdem quantitate *Succini purioris Citrini* habui

Phlegmatis & Spiritus	℥ij.	℥iiij. gr. xxxv.
Olei	℥viiij.	℥viiij. gr. xlii.
Salis crystallisati	—	℥iv. gr. iij.

Residuum cum arenâ mistum ponderare non licuit.

Non

Non tamen ideo certi quid de constanti harum partium *proportione* affirmare licebit, cum Succini, quod vulgo his experimentis adhibetur, venalis, frustra puritatis sint admodum diversæ. Variis plurimorum Auctorum experimentis cum meis collatis non incommodum videbatur inde medium terminum assumendo statuere: Salem, Terram, Phlegma, & Oleum in Succino sese excipere, ut numeri 1. 2. 3. 18.

§. XXV. Vitream Retortam terreæ, quam multi suadent, præferendam credidi, cum totus operationis decursus in illâ melius spectari queat. Ad ditamenta, quæ varii varia commendant v. g. Arena, Calx, Pulvis Laterum, Bolus, Sal communis, Oleum Vitrioli &c, si accuratam, quâ quævis partium separatim exhibeatur, Analysin facere velis, non adhibenda sunt; si autem partem aliquam solam ex Succino elicere animus sit, hoc vel illud horum additamentorum pro vario scopo diversum inservire poterit.

Maxime interim *diffidentibus* reperies *Auctores* in definiendo tempore, quo Sal elevari incipiat, quo ve desinat ejus sublimatio. Nonnulli ut Cl. HOFFMANNUS (y), NEUMANN, alique, eum demum intensiori ignis gradu sub finem administrato crassiori oleo intermixtum in retortæ collum ferri affirmant; alii contra ut Cl. BOURDELIN (z) & MACQUER (a) sub justo ignis regimine statim post

(y) L. c. p. 202.

(z) L. c. p. 169.

(a) Elemens de Chimie Pratique Tom. II. p. m. 205.



post phlegma prodire, nec antea quam omnis elevatus sit, ullum prodire oleum contendunt. Quotiescunque institui hanc operationem, institui autem multoties, eodem quem supra descripsi modo, salem cum limpido primo oleo ascendere vidi, tumque jam finitâ omnis salis sublimatione flavum oleum transire observavi. Cum vero ob crustam, quâ interior vitri superficies obducitur, difficilius fit sublimationis finem observare, ut rei certior fierem, destillationem, cum jam sat magna salis copia elevata esset, interrupi, salemque tepidâ ablui. Continuâtâ dein destillatione denuo sublimatum iterum elui, donec post tertiam ablutionem, quam dum omne fere Succinum liquefactum erat, instituebam, nullus amplius prædiit. Tum demum aucto ignis gradu flavum oleum depluit, quod sensim spissiora exceperunt.

*Causæ hujus dissensus* forte quærendæ; vel in vasis adhibitis terreis, oculo aditum præcludentibus: hinc nonnulli Salem tum demum sublimatum crediderunt, cum ignis vehementia ex collo retortæ in excipulum propulsum conspexissent; vel in minus cauto ignis moderamine; vel denique, quod præcipuum videtur, in nimîâ simul adhibiti Succini copia: tunc enim facile contingere poterit, ut inferior igni proxima pars jam crassum fundat oleum, dum superficiaria strata tenue adhuc oleum cum suo sale exhibent.

§. XXVI. Destillatione eo usque peractâ, ut omnis Sal sublimatus sit, *liquefcit Succinum*, quam ob causam vulgo *ab igne fundi dicitur*. Id autem cave

ita



ita intelligas, ac si accedente certo caloris gradu illico fundatur & refrigeratum iterum in pristinum Succinum indurescat, quemadmodum in metallis, cerâ, pice, aliisque fieri observamus. Ut ejus *Liquefactio* fiat, requiritur prævia omnis phlegmatis, salis & pauci olei dissipatio, quo facto leni igne fluit: tunc vero non amplius est Succinum, sed tantum *Colophonia Succini*; post refrigerationem dura, fragilis, fuscæ coloris. Aliàs ab igne multum intensiori, qualis est Plumbi liquefacti, Olei Lini ebullientis, vix emollitur, si ille ita applicetur, ut dissipatio partium volatiliorum impediatur, quemadmodum ex (§. XIX. Exper. 4. & XX. Exp. 1.) patet. Nam etsi coctione diuturnâ cum Oleo Lini tandem liquefeat, id non fit fusione per ignem, sed verâ per oleum solutione, cujus actio per ignem adjuvatur.

§. XXVII. Traditâ sic generaliiori Succini analysi, jam ad privum singularium partium, quales nimirum ignis menstruum eas nobis sistit, examen transeundum est. De iis eo ordine, quo in destillatione se invicem excipiunt, agemus.

§. XXVIII. *Phlegma* primum prodiens, omnis coloris saporisque expers, mera est aqua tantillum odorata; nullum heterogenei signum ad reagentia monstrat. Qui hoc excipit *Spiritus* saporis est leviter aciduli & ab adhærente jam subtilissimo oleo amaricat. Olei autem sat multum illi inesse lactescentia monstrat. In quiete aliquamdiu maneat, oleum sponte superficiem petit, quo facto quod infra hæret, coloris est ad aqueum magis accedentis.

EXPER.



EXPER. I. Liquor hicce Syrupum Violarum rubro colore tingit ; cum alcalicis effervescit ; evaporatione lente institutâ paucas Salis Succini crystallos relinquit. Patet ex his simul cum Phlegmatis elevatione invisibilem Salis sublimationem incipere ; an in unâ eâdemque Succini glebâ, valde dubito. Probabilius enim est, infirma Succini in retortâ strata aqueâ parte multo citius, quam superficialia, emungi, tumque inferiorum particulas salinas cum superiorum residuo phlegmate simul ascendere solutaque in excipulum abripi.

Præter Salem & Oleum, quæ separari a Phlegmate possunt, illi adhuc quiddam valde odoratum inest, intime junctum, sed a grato illo fragrantî, quem Succinum spargit odore, omnino diversum. Et si destillando rectifices, non nisi ingrati odoris & austeri, penetrantissimi saporis liquorem inde elicis, qui aëre diu expositus tandem foetet.

EXPER. 2. Phlegma cum *Alcohole* perfectam subit miscelam. Mixturam hanc destillationi commisi, redit alcohol odore illo & sapore penetrantissimo imprægnatum, & quod mirum, simul cum eo subtilissimum in Phlegmate superstes Oleum elevatur, quod postea miscelam cum alcohole adeo averfatur, ut brevi in minutis pelucidis globulis fundum petat, filtratione dein facile separandis. Quæ in cucurbitæ fundo residua mansit aqua, multum odorati sapidique retinuit.

§. XXIX. Phlegma in destillatione *Sal* excipit ; de eo ergo nunc dicendum sequitur. Primus, quan-

quantum invenire licuit, ejus mentionem fecit AGRICOLA (b). Succinum inquit artificiosâ coquendi ratione vertitur partim in Oleum — partim in Bitumen nigrum — partim denique in candidum quiddam & tenue, quod similitudinem quandam gerit speciemque Salis; id ut aliud quodvis tenue Succinum, igni accensum ex flammâ cum fumo evolans evanescit. Post illum LIBAVIUS (c) paulo plenius descripsit, & ut scilicet, quam Agricola, distinctius quid de eo traderet: ex bituminosa pinguedine, Melanteriâ, Halonitro & pauco Alumine constare dixit. Ab illis temporibus varii multo, & quod maxime dolendum est, inutili labore salem nostrum ad notum jam Salis genus referre conati sunt. Inde factum fuit, ut plurima cum illo instituta experimenta potius ad singularem cujusque auctoris de hoc sale opinionem firmandam, quam ad veram ejus naturam detegendam directâ fuerint.

§. XXX. Volatilem cum vidissent nonnulli, *Classi Alcalino-volatili*, quos animale suppeditat regnum, adscripsere, inter quos præcipui: MAUR. HOFFMANNUS (d), GLASER, & recens Scriptor in *Commerc. Litterar. Norimbergensi*. A. 1744. p. 157. Qui fieri possit, ut à Succino, quod inclusas tenet Insectorum exuvias, destillatione sal alcalinus obtineatur, explicavit Cel.

MAC-

(b) De Nat. Fossilium L. IV. Basil. 1558. fol. Et Edit. 1657. ibid. p. 599.

(c) De Naturâ Succini. Cap. VIII. p. 227. Francof. 1599. 8vo.

(d) Acta Laborat. Chem. Altorf. 1709.



MACQUER (*e*). An verius quam acutius, alii judicent.

§. XXXI. *Acidum* esse hunc salem primus demonstravit BARCHUSEN, post illum BOULDUCE (*f*). Sed perperam inde ex hypothese, quam sibi varii auctores pro Succini generatione explicandâ ornandam sumserant, diversis acidorum generibus adscripsere, ut vix corpus detur, quod invitâ naturâ tam crebras in Chemicorum Scriptis metamorphoses sustinuerit. Cl. NEUMANN (*g*), SENDELIUS (*h*), alique cum acidum Vitrioli in Succini compositionem ingredi opinarentur, pronâ inde conclusione Salem Succini *Vitriolicum* esse pronuntiarunt, cui sententiæ favere etiam videtur Cl. HOFFMANNUS (*i*). Hanc opinionem tanquam ridiculam & precariam sibilavit Cl. BOURDELIN (*k*); sed versâ paginâ, quod maxime mireris, invenies Doctiss. Virum Succini prius liquidi indurationem aquæ marinæ tribuere, quam propterea, ut habeat, quâ liquidum Succinum ubique irriget, in cryptas quoque subterraneas introducere non veretur; & ex hac opinione magno ausu, eodem tamen, quem mox castigaverat errore, *Acidum Salis* in Succinum intrudere conatur (*l*). Quonam jure id factum sit, postea ex-

(*e*) L. c. p. 212.

(*f*) Memoires de l' Acad. R. des Scienc. A. 1699.

(*g*) Lectiones de Succino. Berolin. 1730. 4to.

(*h*) Histor. Succinor. &c. p. 208.

(*i*) L. c. p. 203.

(*k*) Mem. de l' Acad. R. des Sc. A. 1742. p. 154, 155, 159.

(*l*) ibidem pag. 160, 161.

examinandum sequitur. Unus omnium Celeberrimus POTTIUS (*m*), sicut de universâ Chemiâ, ita de Salis nostri Historiâ, eximio quem de eo conscripsit tractatu, egregie meruit.

§. XXXII. Antequam ad specialius hujus Salis examen procedamus, nonnulla de ejus *depuratione* præmittenda sunt. Hæc maxime est necessaria, ubi accurata cum eo instituere volumus experimenta; magna enim olei copia, quæ sali mox sublimato juncta illum penitus quasi obvolvitur: & vires ejus in alia corpora hebetat, & aliorum in illum actionem obtundit, vel penitus eludit. Optima quæ jam à Cel. POTTIO (*n*) aliis antehabita est methodus, sequenti modo peragitur.

Exemptus ex retortâ Sal inter chartam bibulam sæpius mutandam ab adhærente oleo; quantum fieri potest, purgandus, tum aquâ calidâ solvendus, filtrandus & in vase vitreo leni evaporationi exponendus est; ubi jam nata ad latera vasis spicula propinquum indicant crystallisationis punctum, reponendum vas in locum frigidum, quietum: sic brevi ab omni parte fundum petentia spicula integram ibi efformant crustam, quæ decantato reliquo liquore eximenda, & seorsim servanda est. Dein maxima reliqui lixivii pars eodem modo in salem siccum priore magis fuscum redigitur. Quod sub finem remanet, oleosum, fuscum, liquidum abjici debet.

Nec quidem prævia hæc inter chartas exsiccatio absolute necessaria est; purissimum enim Salem acquiri

(*m*) Mem. de l' Acad. R. de Berlin 1755. p. 51.

(*n*) Ibidem pag. 55.



Quiri sæpius expertus sum, si omnem salem retortæ parietibus affixum, antequam extremâ ignis tor-  
turâ spissiori oleo implicari potuit calidâ aquâ  
elui. Spissus enim, empyreumaticum oleum, ubi  
semel salem inquinaverit, ægre ab illo recedit;  
major tum aquæ ebullientis copia ad solvendum  
hujusmodi salem requiritur, quâ semper aliquid  
olei sali adhærescentis abripi solet, quod transi-  
tum per filtri poros invenit. Id autem revera fie-  
ri fuscus muriæ salisque color abunde testatur. A-  
lii ut eo puriorem acquirant, cum absorbentibus,  
v. gr. cretâ, mistum sublimare jubent, quæ Il-  
lustr. BOERHAVE (o) pro alcalinorum volatili-  
um depuratione faciendâ optime adhibuit. At in nostro  
sale res aliter procedit; is nimirum acidus cum  
sit, cretam solvit, quæ dein fortius illum trahit,  
quam ut amplius sublimari possit.

Si tamen additamentum adhibere placeat, niti-  
dissimus acquiritur sal, si cum sale communi bene  
mistus sublimetur: tunc enim oleum pro maximâ  
parte in sale communi defixum remanet. Sed  
monendum erit, me in sequentibus experimentis  
nunquam salem hâc ratione depuratum adhibuis-  
se, qui licet purissimus sit, contractæ tamen alie-  
næ labis suspicionem movere posset.

§. XXXIII. Sal Succini modo mox descripto  
depuratus:

*Crystall*os format *prismaticas*, triangulares, qua-  
rum apices oblique sunt truncati. Pulcherrime se  
monstrant, ubi gutta solutionis microscopio val-  
de augente, vel crystallus aquæ immersus sim-  
pliciter

(o) Elem. Chem. Tom. II. p. 366.

plice lente conspicitur: tunc quodvis latus hujus prismatis perfectum monstrat Rhomboidem.

*Saporis* est manifeste acidi subadstringentis.

EXPERIMENTUM. I. Difficillime solvitur aqua frigida, facile contra calente. In temperie grad. 52. Therm. Farenheit. aquæ quantitas ad salem solutum fuit uti 24: : 1. In aqua ebulliente uti 2: : 1. Post refrigerationem maxima salis quantitas excutitur, ejus tamen plus solutum manet, quam frigida solvere potuisset.

2. Solvitur pauca ejus quantitas in Spiritu Vini rectificatissimo, si calor accedat; in frigore illo non solvitur, neque in Spir. Terebinthinæ (p).

3. Gradu caloris illum aquæ ebullientis aliquantum excedente liquefcit, tumque specie densi, albicantis, pulmonibus infesti vaporis in auras evanescit, si bene purus sit, omnis; minus purus post se relinquit carbonem.

4. Cum Alcalinis fixis, volatili, terris absorbentibus, calcariis effervesce, hasque solvit. Effervescencia cum alcali volatili præ cæteris vehementior fit, præsertim si Spiritus Salis Ammoniaci ipsi soli, aqua non soluto, affundatur.

5. Syrupum Violarum, si bene purus est, sive ficcus, sive ejus lixivium, sive etiam phlegma Succini (g. XXVIII. Exp. 1.) adhibeatur, rubro colore tingit. Cl. POTTIO idem tentanti non successit experimentum (q); in Commerc. Litter. Norimb. (r) Syrupum admisto hoc acido viridi co-

(p) POTT. L. c. p. 59.

(q) Ibidem p. 51.

(r) Annus 1744. p. 156.



lore tingi affirmatur, quod sine dubio falis adhibiti adulterationi adscribendum est.

6. Affuso *Oleo Vitrioli* non effervescit, nec ullos vapores emittit; ubi vero aqua solutus pro experimento adhibetur; comparent quidem vapores, sed non sunt nisi aqua, quæ affuso concentrato *Oleo Vitrioli* calefacta avolat.

7. Quocunque modo tractetur, nunquam formam liquidam concentrari spiritus, sed semper formam solidam pristinam comparet.

8. Muria falis Succini cum lixivio puro *alkali fixi* saturata, filtrata, lentam evaporationem abire in crystallos nitidas, pellucas ejusdem cum crystallis falis Succini figuræ. Sapor ei peculiaris; aqua frigidam facile solvitur, quam dote a Tart. vitriol. quam maxime differt; prunis vel ferro candenti injectus decrepitat, funditur, fixus tamen & neuter remanet; Acida illi superfusa nullam mutationem inducunt; Aquam fortem non mutat in Aquam regiam; Argentum ex Aqua forti non præcipitat; præcipitat tamen Acetum Plumbi in calcem albam, sed in Saturnum cornuum neutiquam conflandam.

9. Eadem muria cum *alkali volatili* spiritus falis ammoniaci sollicitè saturata evaporatione abire in salem medium ammoniacalem, qui vasis exquisitissime clausis sublimatus purissimus acquiritur. Sal hic perfecte medius saporis est amaricantis, linguæ refrigerii sensum imprimit; nullum ad reagentia superstitis indomiti acidi vestigium monstrat; Argentum non præcipit ex Aq. forti, nec hanc in regiam mutat. In cochleari argenteo prunis expositus fluit & specie vaporis omnis in auras avolat.

Dis-

Difficile est in compositione horum salium punctum saturationis invenire, sæpiusque si inventum credas, postea demum unius vel alterius præpondium observabis: Lente hinc procedendum, & ubi jam ad certum gradum perducta est evaporation, cum uno alterove tentandum, an lixivium illo adhucdum indigeat; sæpe denique turbulentus liquor repetitam postulat filtrationem.

10<sup>a</sup>. Nitro in crucibulo candenti fuso injectus pro quantitate Olei adhærentis majori minorive vehementia detonat. Sal Succini una cum acido Nitri in auras evanescit; quo facto Nitrum in merum Alkali mutatum deprehenditur. Quantitas adhibendi Salis Succini ob diversam ejus puritatem determinari non potest; ea tamen semper major, quam Nitri requiritur. Hæc detonandi proprietas impedit, quo minus Salis Succini cum Nitro destillatio sine periculo institui possit, quod Cel. POTT. expertus est.

10<sup>b</sup>. Si cum alcali fixi purissimi, & pulveris carbonum æquali quantitate exacte mistum calcinationi committitur, eâ peractâ non Hepar Sulphuris, quemadmodum ab Acido Vitriolico contingit, sed merum Alkali residuum invenitur. Probe attendendum est, ut Alkali quam sincerissimum & recentissime depuratum adhibeatur, quod morâ ex aëre nihil Vitriolici attraxerit: Id enim Sali Tartari, & aliis, sæpius temporis diuturnitate contingit.

11. Sal Succini in *destillatione cum Acidis Aceti*, Salis comm., Nitri, Vitrioli pristina sua formâ sublimatur, oleosa parte horum acidorum & sublimationis ope abstractâ, purissimus, candidissimus; acida



acida inde immutata in excipulum redeunt, & quodvis pristinas suas dotes perfecte monstrat. Ut his acidis solvatur calore opus est, in frigore nil fere solvunt: Et si calore adjuta solverint, mox tamen accedente refrigeratione elabi iterum sinunt. Unicum Acidum Vitriolicum in frigore etiam facile solvit.

12. Sal Succini cum *Spiritu Nitri*, quâcunque ratione tractetur, nunquam Aquam Regiam cum illo constituit. Nam five Succini Phlegma (§. XXVIII), five salem ipsum, five ejus lixivium, five sales medios cum illo confectos (Exp. 8. 9.), Aquæ forti sollicitâ miscelâ & diuturnâ digestionem jungas, five Spiritum Nitri Sali Succini affusum inde per destillationem iterum avoces, is nunquam in Auri menstruum evadit.

13. Sal Succini una cum æquali quantitate *Salis communis* aquâ purâ solutus, si destilletur, reddit in excipulum iners ad solutionem adhibita aqua; quo facto Sal Succini purus, albissimus sublimatur, relicto suo oleo in Sale communi, qui inde fuscus factus in fundo remanet.

Salem Succini nihil de Sale comm. secum abripuisse testatur ejus cum Aqua Forti commistio, quæ inde in Regiam non mutatur. Non tamen, candidissimus licet, omni adhærente oleo liberatus videtur. Cum Nitro enim in crucibulo candenti detonuit, minori quidem vehementiâ, quam simplici filtratione & crystallisatione depuratus.

14. Sal Succini si cum æquali quantitate florum *Salis Ammoniaci* exactâ triturâ misceatur, per destillationem parum acidi, flavescentis liquoris expellitur, qui in excipulo collectus omni dote verum

rum Spir. Salis se monstrat; fortiore igne Sal uterque residuus in retortæ collo sublimatus apparet, sic tamen ut inter sublimandum bini Sales à se invicem separati fuerint. Sal Ammoniacus inferiorem colli retortæ partem, Sal Succini superiorem occupabat, aliquid alcalini, quod acidum suum falis amiserat, sibi junctum habens. In fundo exigua quantitas nigri carbonis remansit. Cel. PORTIUS (s), qui hoc experimentum descripsit, alium eventum notavit; quamvis eandem utriusque Salis proportionem adhibuerit. Residuæ fuliginosæ materiæ se plus accepisse scribit, quam Salis Succini pro operatione adhibuerat: Ipse ejus non nisi parum inveni. Forte Sal Ammon. quem adhibuit, vulgaris, aut diversæ puritatis Sal Succini, hujus discriminis causæ fuere. Quod autem dicit merum Sal. Ammoniac. sublimari, & inde concludit Succini Salem ab alcali destrui, id majoris momenti videtur. Et liceat, pace Viri in Chemicis summi, aliter sentire. Verum quidem est hanc operatione Sal. Ammon. purum iterum obtineri; is autem in collo retortæ inferior hæret, cum superiore non confundendus. Si Sal Succini revera destructus esset, cum præterea quædam acidi falis pars expellatur: in residuo fale alcali prævalere deberet. Id autem sui indicium nullum præbet; contra si eluis omnem salem, is acidus deprehenditur, ab admixto nimirum Sale Succini, cujus major, quam acidi expulsi quantitas superest.

Observandum præterea hanc methodo mechanica modo mixturâ combinari hos Sales, quâ pro-

par-

(s) L. c. p. 63. 64.



parte tantum in se invicem activi redduntur: quoad reliquam, & maximam quidem partem immutati in altum feruntur. Et licet vel exquisitissimam facias unius cum altero trituram, impossibile tamen erit amborum minimas particulas ita sibi invicem applicare, ut sal in salem omni suâ vi agere possit.

15. Tentavi ergo eos, quantum fieri posset, intimius jungere. Et ut certus essem, omne quod prodiret salis acidum, à Sale Succini expelli: sumsi Flores Salis Ammon. qui cum aquâ solutionem, destillationem & superadditam sublimationem jam subierant; ubi spiritus salis omnino nihil accepi. Tunc hujusmodi florum Drachmis duabus admiscui salis Succini purissimi Dr.  $1\frac{1}{2}$ , & aquâ solutos destillationi commisi. Rediit primo pars magna adhibitæ Aquæ prorsus insipida, sensim accescens, tandem albis vaporibus conspicuus, acidus, incoërcibilis, luti poros penetrans Spiritus, qui excipulo effusus totum conclave fumo replevit, & diu servatus continuo fumavit. Nec ullum, quin verus sp. salis fuerit, dubium remanere potest: nam Aquam Fortem in Regiam mutat; Argentum Aq. forti solutum in Lunam corneam, Plumbum in Saturnum corneum præcipitat; cum Sale Tartari Sal commune, cum Alkali Volatili Salem Ammoniacum regenerat; Cretæ denique in illo solutæ post perfectam exsiccationem brevi deliquescentiæ statum conciliat. Salium sublimatio in hoc experimento eodem fere modo, ac in præcedenti contingit; sed sal in collo superior simul & anterior; ob majorem acidi spiritus copiam expulsam, plus alcalini sibi junctum habet,

ut

ut propemodum similis sit sali (Exp. 9.) descripto; posterior magis magisque acescit; inferior non est nisi verus Sal Ammoniacus. Solutione & sublimatione ad sextam usque vicem denuo repetitis, continuo adhuc aliquid acidi salis fuit expulsum, minori quantitate, idemque magis magisque debilitatum.

16. Sic procedendo multum spiritus salis fuit expulsum, sed simul non nihil Salis Ammoniaci immutatum remansit. Itaque Dr. 1. Salis Succidi superadditâ, destillationem & sublimationem de novo institui. Prodiit iterum aliquid Spir. Salis fortis, fumantis; secundâ & tertiâ vice repetitâ operatione, etsi valde dilutum acquisiverim, penitus tamen exhaurire omnem non potui, quin adhuc exigua Salis Ammon. quantitas superstes fuerit. In fundo retortæ pulvis nigerrimus plane insipidus residuus mansit. Destiti tandem à tædioso opere. Ponderatis productis habui: Salis amaricantis, refrigerantis, qui ad eum (Exp. 9.) descriptum fere accedebat, Dr. 2. Salis Ammon. grana 25. Capit. mort. Dr.  $\frac{1}{2}$ , quæ si in summam contrahantur, ea pondere salium adhibitorum Dr.  $4\frac{1}{2}$  minor est Dr. 1. gr. 35. Quod expulsum fuit acidum salis, utpote multâ aquâ intermixtum, ponderare non licuit. Notandum quoque residuum Salem Ammoniacum non amplius fuisse saporis adeo pungentis, quemadmodum aliàs esse solet: Videtur itaque Salis Succini aliquid saltem admixtum habuisse, quo cicuratus fuit; Aquam Fortem difficulter in Regiam mutavit; Sal alter superior nequaquam.



\*

\*

\*

17. *Creta* in *salis nostri muriâ* solvitur quam facillime, & ubi ejus quantum pote solutum est, sapor acidus penitus perit, & fit amaricans. Filtratione factâ *crystallisatio* longe citius, quam cum *sale Succini puro* contingit. In *fervidâ* adhuc brevi tempore *spicula* sese decussantia in fundum delabuntur, quæ in *aquâ* suam figuram servant, post plenam exsiccationem autem in pulverem rudiores, grysei coloris fatiscunt. Sal sic paratus in *aëre* non deliquescit; *aquâ* non nisi *fervidâ* solvitur.

18. Affuso *acido* quocunque nulli vapores exsurgunt.

19. Cretam ex hoc *sale* formâ *pristinâ præcipitant* alcalina, fixa & volatilia; ex acidis unicum acidum vitriolicum.

20. *Muria salis Succini* cretam non nisi ex solo *acido vegetabili præcipitat*; in acidis fossilibus solutam intactam relinquit.

21. Sal *Succini* hac ratione cum *cretâ* junctus omnem suam *volatilitatem* amittit; fortissimo sublimationis igne nihil ejus in altum fuit elevatum.

22. Sal *Succini* ex *cretâ* per destillationem cum *acido* concentratissimo *aceti* non expellitur; purum redit vegetabile acidum, creta intacta in fundo permanet.

23. Idem contingit in destillatione hujus *salis* cum *acido salis communis*.

24. Aliter autem evenit, si loco *spiritus salis* huic destillationi adhibeatur *solutio Salis Ammoniaci*: tunc enim acidum *Succini* magis amicum  
alcali

alcali volatili cretam deferit, & cum illo se jungit, dum contra acidum falis cum cretâ unitur, eique colorem splendidum, argenteum conciliat. Sed cum quantitas acidi in Sale Ammon. quem adhibui, major fuerit, quam quæ ad cretæ saturationem requirebatur, reliquus Sal Ammon. immutatus simul cum novo hîc nato fale commixtus sublimatus fuit. Et facile patet hâc operatione falem similem illi (EXPER. 9.) acquiri, si Salis Ammoniaci quantitas accurate prius definita fuerit. Acidum falis hoc experimento cretæ junctum fuisse evincunt: Albi, sylvestres vapores, quos affusum tali cretæ vitrioli oleum expellit, & subita ejus ope facta conversio Aquæ Fortis in Aquam Regiam, quod cum cretâ fale Succini solutâ nequaquam contingit.

Nec huic experimento officit aliud, quod in Sale Ammoniaco observatur, phænomenon, cui si in aquâ soluta injiciatur creta, hæc acidum, quod est in Sale Ammoniaco, à basi suâ alcalinâ abstrahit, eoque solvitur. In nostro enim experimento creta non pura, sed acido jam soluta adhibetur; cum præterea, uti ex præced. experim. constat, sal Succini per spiritum falis ex cretâ non expellatur, id hic per duplicem attractionem, acidum falis inter & cretam ab unâ, & inter falem Succini & alcali volatile ab alterâ parte fieri necesse est.

25. Si Sal hic Cretaceus cum *Spir. Nitri* destillatur, redit iterum maxima Spiritus Nitri pars. Eo fere omni abstracto, qui supererat valde concentratus, cum inflammabili à fale Succini cretâ

adhæ-



adhærente subito detonuit, omnemque apparatus disjecit; in fundo retortæ multum materiæ fuliginosæ, & pauca salis Succini spicula retortæ lateribus affixa inveni.

26. Acidum *Vitriolicum*, si eodem modo cum hoc sale destillatur, cum cretâ se unit, & acidum Succini inde expellit, quod dein formâ suâ pristinâ sublimatur.

\*

\*

\*

Sal Succini aquâ destillatâ solutus *Menstruum variorum Metallorum* evadit. Cum vero ejus muria in frigore bene saturata obtineri nequeat, digestio cum plerisque in calore sat intenso accedat oportet.

27. *Cuprum* post diuturnam digestionem solvit. Solutio coloris est graminei. Præcipitatur alcali fixo; affuso alcali volatili color primo intenditur, mox aliquantum turbatur absque sensibili præcipitatione, tandem in cœruleum mutatur. Ex acidis unicum *Vitriolicum* in calcem albam præcipitat.

28. *Ferrum* satis cito absque ullâ, notabili saltem, effervescentia solvit. Solutio leviter flavescens morâ magnam fuscæ *Ochræ* copiam dimittit. *Ferrum* ex hac solutione præcipitatur alcali fixo in calcem primum albam, mox flavescens, quæ tandem viridis apparet. Cum alcali volatili fit præcipitatio albida, leviter flavescens, si tum statim superaffunditur aqua destillata, color subito in profunde viridem mutatur: hæc autem mutatio non contingit, si sibi relicta præcipitatio semel profunde flavescens colorem induerit, qui affusâ aquâ non amplius mutari potest. Acidorum

dorum nullo Ferrum ex hac solutione excutitur.

29. *Stannum* calore adjutus solvit; illud autem sponte iterum in fundum subsidit formâ calcis albissimæ; ex supernatante liquore nec alcalicis, nec acidis, quicquam præcipitari potest.

30. *Plumbum* vix rodit. Nec alcalia, nec acida aliquid ex muriâ, quæ per plures dies cum plumbo digestionem exposita fuerat, præcipitare valuerunt. Interim tamen Plumbi rasura albescenti pulvisculo, Cerussæ simili obtegatur.

31. *Zincum* facillime solvit. Ex solutione præcipitatur alcali fixo formâ calcis albæ; affuso alcali volatili nulla sequitur præcipitatio; liquor antea excolor rubellus fit, nec postea amplius superaffuso alcali fixo præcipitatur. Sic solutum Zincum nullo acido excuti potest.

32. *Bismuthum* difficilius solvit, solvit tamen calore adjutus. Alcali fixo & volatili inde præcipitatur, sed cum volatili demum post plenariam saturationem.

33. *Argentum*, *Mercurium*, *Platinam*, *Regulum Antimonii* intacta relinquit.

34. *Argentum* vel *Mercurium* Aqua Forti soluta non præcipitat.

35. *Plumbum* Aquâ Forti vel Spiritu Salis solutum non præcipitat.

36. *Plumbum* acido vegetabili solutum momento quo instillatur, formâ calcis albæ præcipitat, quæ tamen in Saturnum corneum conflare non potest. Celeb. POTTIUS præcipitationem hâc fieri negat, eam tamen obtineri repetitis experimentis certus sum.



§. XXXIV. Quæ recensui hucusque, præcipuæ sunt de hoc sale *Observationes & Experimenta*, ex quibus de Salis ipsius naturâ nonnulla *Corollaria* elicere licebit: Etsi enim multum absit, quin ad hanc penitus perspiciendam sufficiant, forte tamen ulteriorem ejus cognitionem faciliorem reddere juvabunt.

§. XXXV. *Acidum* esse salem nostrum prolixâ probatione non indiget. Docet Sapor (§. XXXIII. 1.); evincit Habitus ad reagentia (ibid. 4. 5. 6. 8. 9.) Nec operæ pretium esset pluribus exponere sententiam, quæ jam dudum omnium Chemicorum suffragium jure meruit. Sed acidus cum sit, an propterea uni vel alteri ex notis jam acidorum generibus annumerandus est? Mirum fane omnes fere auctores, nimium sæpe ad nova rerum genera constituenda pronos, Salem nostrum vel Vitriolicum vel Marinum pronuntiasse.

§. XXXVI. *Vitriolico* acido à plurimis ob præconceptam de Succini generatione opinionem adscriptum fuisse (§. XXXI.) jam dictum fuit. Conjectura est, quæ parum probat. Et si vel certum esset Salem Succini primam suam originem acido illi primigenio, quod dicunt, seu vitriolico debere, an inde sequeretur, id vitriolicam naturam in Succino pristinam servare; etenim & hic, ut in omnibus fere corporibus contingunt variæ rerum transformationes, novi Salis generatio fieri posset. Sed quænam in materie illâ Succineâ, quam fluidam esse verosimile est, post factum cum acido  
vitrio-

vitriolico connubium, mutatio contingit? Eam inde rigescere dicent, qui pro sale Succini vitriolico loquuntur: Explicent quæso, qui is effectus ab acido unico omnium potentissimo & quasi destructore Succini menstruo obtinere possit?

§. XXXVII. Præterea tranquillam sine ullo vaporis aut effervescentiæ indicio horum acidorum permissionem, illorum identitatem arguere existimant. Speciosum quidem est argumentum, sed accuratius examen non sustinet, quin sponte collabatur. Id in genere tenendum est Salem nostrum fere ubique paulatim suas vires exserere, & ab aliis non nisi lente affici, cujus torpedinis quasi causam oleo, quo Succini sal obvolutus est, Cel. PORTIUS recte tribuit. Hinc etsi Vitrioli Oleum in illum agat, agit autem dum solvit (§. XXIII. II.), id tamen fit absque ullâ turbâ; sed & in Tartaro, Sacharo, Floribus Benzoin similiter nulla effervescentia fit. Quod denique acidum Succini non expellatur, id mirum non est, quum fixitate ipsi Vitrioli acido non multum cedat; et factâ utriusque simul destillatione, sal Succini cum ultimâ demum olei vitrioli parte elevatur. Tandem basin alcalinam vel terream, unde expelli possit, non habet; si cum basi fixâ v. gr. cretâ jungatur, omnino factâ distillatione expellitur, quemadmodum ex (Exp. 26.) patet. Creta in eo soluta Vitrioli acido momento præcipitatur (Exp. 19.), cum Cupro idem contingit (Exp. 27.), Mercurium Aqua Forti solutum non attiq.



attingit (Exp. 35.), quem tamen, si vitriolicum foret, in Turbithi præcipitaret.

§. XXXVIII. Sufficere possent, quæ mox diximus experimenta, omni exceptione majora, pro naturæ utriusque acidi diversitate demonstranda: restant tamen magni momenti argumenta. Si Sal noster Vitriolicus esset, deberet cum inflammabili illi adhærenti Sulphur constituere; vel per factam fortem fusionem in Sulphur mutari; vel cum alcali fixo saturatus in Tartarum Vitriolatum abire; vel per detonationem cum Nitro Salem Polychrestum relinquere; vel tandem alcali fixo & carbonibus admistus post calcinationem in Hepar Sulphuris abire: quorum omnino nullum contingit. (Conf. §. XXXIII. 3. 8. 10<sup>a</sup>. 10<sup>b</sup>.)

§. XXXIX. Cum *Acido Nitri* Sal noster vix ullâ dote convenit; multis autem quam maxime diversam indolem monstrat; nec ab ullo fere Acidorum illi comparatum invenies. Forte, cum Nitrum perfectum nunquam fossile reperiatur, nemo hucusque eo acuminis ascendit, qui naturam ad Succini generationem acido Nitri indigere nos docuerit. Id revera non esse facile persuasum habebit, qui quæ (§. XXXIII. 8. 9. 11. 25.) observata sunt, rite perpendet.

§. XL. Si ad Salis nostri indolem, & ad quam plurima Experimenta, quæ unusquisque, si accurate procedat, eodem certe successu repetere poterit, unice attendere velimus: Facile patet eum ab *Acido Salis* omnino diversum, ne ullam quidem

dem cum eo affinitatem colere. Hæc itaque tractatio æque brevis ac præcedens §. esse posset, nisi Celebris apud Gallos Scriptor D. BOURDELIN integrâ de hâc re conscriptâ dissertatione (t) rem impeditiorem reddidisset. Ejus sententiam postea Auctorum plerique secuti sunt; Cl. MACQUER. (u) præprimis nostri Scriptoris de hac re merita laudibus in coelum tollit, tanquam si illi uni reservatum fuisset, naturam Salis nostri acidam, antea incertam, rite demonstrare, propriamque ejus indolem detegere. Mr. Bourdelin, inquit, *a eu toutes ces difficultés (de quibus mox dixerat) à surmonter, Et n'a cessé de rencontrer toujours de nouveaux obstacles dans cette ennuyeuse matière grasse, qui, comme un voile impenetrable, lui cachoit continuellement l'acide, dont il cherchoit à découvrir la nature; Mais enfin à force de multiplier les Experiences il est heureusement parvenu à son but.* Meritæ laudis minime invidos purus veritatis amor jubet, quidquid forte erroris irrepperit, notare.

§. XLI. Primum quod magni facit argumentum (v), non est nisi mera *Principii Petitio*, æque precaria, ac quam præcedenti paginâ risit eorum opinio, qui ob stratorum vitriolicorum cum Venis Succini vicinitatem hujus Salem Vitriolicum declarant. Inde enim, quod magnam Succini partem per Maris æstuantis fluctus ad lit-

tus

(t) Mem. de l'Acad. R. des Sc. de Paris, A. 1742.

(u) Elemens de Chymie Pratique Tom. II. p. 211.

(v) L. cit. p. 161.



tus propelli confet, concludit Succini primæ-  
væ, liquidam materiem a concursu cum acido Ma-  
ris in duras glebas rigescere. Præmatura certe con-  
clusio. Unde enim Succinum vel Maris productum  
esse, vel in Telluris gremio ab aquâ marina in-  
durescere exploratum habemus? Cur non potius id  
in Terrâ defossam genitumque per fluctuum impe-  
tuositatem inde erui, & ad littus propelli dicamus?  
Sed concedatur Mare natalis Succini locus esse: an  
ideo statim concludas id a Sale Marino induruisse?  
Qui Succinea materies, quam pinguem, oleosam sta-  
tuas necesse est, acidum salis ab alcalinâ basi abri-  
pere concipi potest? Cur non potius tã alcali se  
jungit, quum quantum alcali pingua amat, salis  
acidum ea tantum aversetur. Sed præterea obser-  
vationibus Viri in Chemicis Principis Celeberrimi  
GAUBII, Præceptoris mei æternum Venerandi,  
certum est, præter acidum Salis communis, Mari-  
næ Aquæ vitriolici insuper aliquid inesse, quod Sal  
Glauberianus & Aluminis nondum descripta species,  
quæ exquisitâ evaporatione & crySTALLATIONE inde ac-  
quiruntur, satis evincunt. Et si vel exploratum ha-  
beremus salis acidum in Succini compositionem in-  
gredi: an ideo certum est id immutatum ibi relinqui?  
Res non nisi experientiâ suffragante affirmari de-  
bet.

§. XLII. Experimenta ergo contemplanda  
veniunt. Verissime dicit Vir Cel. Alcoholis ope Suc-  
cino superaffusi oleum inde non abstrahi, ut Sal pu-  
rior quam destillatione acquiri possit (\*). Post diuturnam  
HAM

(\*) L. c. p. 165.

nam digestionem Succinum verum superstes invenia-  
tur, quod si destillationem subeat, eadem quæ Suc-  
cinum solet, exhibet. Si loco Alcoholis digestio-  
nem facias cum Oleo Tartari per deliquium, Suc-  
cinum æque intactum, ac cum ipso Alcohole de-  
prehenditur, quod & salem suum adhuc exhibet. En-  
quonam cum successu experimentum ab Auctore no-  
stro institutum fuerit (y). Post factam Succini  
Unc.  $\frac{1}{2}$  cum Olei Tartari per Del. Unc. ij. quadri-  
mestrem digestionem, habuit lixivium coloris & odo-  
ris succinei, ad gustum leviter alcalinum, saporem  
Salis Marini in recessu relinquens. Massa in Phialâ  
residua erat Succinum perfectum (z). Postremum  
hoc verissimum esse exploratum habeo. Sed unde  
quæso in Oleo Tartari natus Salis Marini sapor, si  
omnis Succini Sal superstes in Succino remansit?  
Ergo quiddam Salis Marini Succino externe adhæse-  
rit oportet. (§. XVI.) Vel si (quod tamen non  
contingere ipsum experimentum demonstrat) suppo-  
namus Salem Succini acidum omnem extractum fuis-  
se, ejus, & impurioris quidem, non nisi  $\frac{1}{24}$  pon-  
deris Succini, i. e. in Unc.  $\frac{1}{2}$  Grana 10 hærent  
(XXIV.), quæ ob molestum pingue, quod illis  
inhæret, (*cette ennuyeuse matiere grasse*) acidi vix  
tantum, quantum Grana 6. Spiritus Salis, contine-  
bunt. Si jam optimi Sp. Salis gran. 6. Unciis 2.  
Olei Tartari affundas, linguam certe delicatulam ha-  
beas oportet, si Acidi Salis partem 1. in Olei Tartari  
partibus 160. detegere valeas.

§. XLIII

(y) Ibid. p. 163. 164.  
(z) Ibid.



§. XLIII. Re sollicitè perpensa concludit tandem Vir Cel. (a) Acidum Succini in alcali fixo fieri posse : quod sequente modo efficere tentavit. Sumsit Succini partem 1. Nitri partes 2, quibuscum inter se mistis detonationem fecit. Sal post detonationem residuus in aëre libero non deliquescerebat. Factâ solutione lixivium erat coloris dilute succinei, paululum amaricans, & simul alcalini saporis adhuc aliquid retinebat; nihilominus præter alcalinum saporem, lingua Salem Marinum quodammodo ibi detegerebat. En ipsissima Autoris verba. *La solution étoit d'une couleur légèrement ambrée, un peu amère, & conservant encore quelque saveur alcaline; mais malgré cela, & à travers ce goût de sel alcali on y demeloit cependant encore, comme je l'ai dit plus haut en parlant de la Teinture du Succin faite par l'huile de Tartre par defaillance, un goût salé semblable à celui du sel marin.* Factâ spontaneâ evaporatione in fundum præcipitata fuit materies, mucilaginosa in quâ crystalli formæ cubicæ, oblongæ, crassitie lineæ dimidiæ comparuerunt, æque sapore Salem Communem referebant. — *Les Crystaux laissent l'impression de salure de sel marin, mêlé; à ce qu'il m'a paru, d'une très petite fraîcheur beaucoup moins sensible que dans le Nitre* (b). Varias dein ope hujus Salis muriæ metallorum præcipitationes tentavit (c), quarum sequentes præcipuæ sunt. Cum solutione Auri in Aquâ Regiâ effervescit; Argentum, Mercurium, Cuprum in Aquâ Forti soluta præcipitat

(a) Ibidem p. 165. 166. 167.

(b) L. c. p. 271.

(c) p. 168. 169.



pitat in calcem albam, in binis posterloribus cum effervescentiâ. Cryſtallis affuſum Oleum Vi- trioli vapores expellit. Hinc Acidum ſalis ibi ineſſe concludit: cum illo excepto nullum aci- dum detur, quod Argentum & Mercurium in Spi- ritu Nitri ſoluta in calcem albam præcipitet.

§. XLIV. Liceat iterum experimenti eventum, & concluſionem inde deductam accurate expen- dere. Supponamus paulisper, etſi revera non ita contingat, Succinum per detonationem cum Nitro omne ſuum acidum ibi deſigere: Calculo inſtituto ejus Dr. 4. in Nitro adhibito relinquent Salis puri ad ſummum grana 6. Jam etſi ſecun- dum calculum Celeberr. HOMBURGII (d) alcali ibi ratione acidi ſit, ut  $480 : : 183$ , ponamus tamen a Nitri Unc. 1. diſſolato acido alcalinæ par- tis non remanere niſi Dr. 4, erit proportio Sa- lis Succini ad Alkali, uti  $6 : : 240$ . ſive  $1 : : 40$ , habebis itaque alcali fixi Dr. 4. cum Gran. 6. aci- di junctam. Sane acidi quantitas alcalinæ partis reſpectu tam parva eſt, ut, niſi tibimet impo- nas, vel quoad guſtum, vel quoad effectum in præcipitationibus in cenſum venire nullo modo poſſit. Color lixivii ſuccineus nil novi eſt, nam quodcunque fere lixivium alcalinum coloris eſt plus minus flaveſcentis. Itaque hic natus ſal alcalinus erit dicendus, atque eodem ac alcali quodcunque modo in præcipitando aget. Factum hinc eſt, ad quod Vir Cel. minus attendiſſe videtur, ut nulla ea- rum, quas tentavit, præcipitatio aliter eveniret, quam ab alcali quocunque fixo evenire ſolet. Quid inde concludes, quod cum Aquâ Regiâ & Aquâ Forti effer-

(d) Vid. BOERHAVE. L. c. T. II. p. 405.



vescat? Certe nihil aliud, quam admixtum lixivium, vel salem alcalinum fuisse, adeoque præcipitationes cum eo factas à virtute ejus alcalinâ contigisse. Argentum & Plumbum in Aquâ Forti soluta ab alcali fixo æque ac ab acido salis formâ albâ excutuntur, eâ tamen differentiâ, ut à salis acido præcipitata calx Argenti in Lunam Cornuam confluari possit. Ultimam hancce operationem conclusioni præmitti oportuisset, vel etiam tentari, an Aqua Forti ab hoc sale admisto in Regiam mutaretur: id cum factum non sit, hæc non valet.

§. XLV. Sed ut penitus adhuc perspiciamus quod res est, ea quæ (§. XXII. Exp. 1. 2.) dictâ fuere in memoriam hic revocanda sunt. Apparebit experimento facile instituendo duplum Nitri ad subduplam Succini quantitatem pro detonatione faciendâ nimiam esse; hinc fit ut acido nitroso nondum penitus dissipato, Sal residuus non perfecte alcalinus sit. Eum, quem sic procedendo acquisiveram, salem accurate exploravi. Syrupum violarum viridi colore tinxit, indicio alcali adhuc prævalere. Accepi nonnullas crystallos sat magnas, oblongas, quales & Cel. BOURDELIN invenit; eas autem ad nitrofas, quam ad eas salis communis, quæ perfecte cubicæ sunt, magis accedere facile patet; nam prunis impositæ fluunt, & cum strepitu Nitri in modum deflagrant. Sapor recte dictus est esse *melé d'une tres petite fraicheur beaucoup moins sensible que dans le Nitre*; est enim revera leviter retriggerans, quemadmodum in Nitro adeo imperfecto esse necessario debet. Nec mirum est, si affuso Oleo Vitrioli inde

de vapores expelluntur: Id enim in Nitro æque ac in Sale Communi evenire solet, quamvis in utroque vapores assurgentes sint naturæ multum diversæ.

§. XLVI. Si vel quidquam acidi à Succino cum Nitro deflagrato in residuo sale alcalino defigeretur, posset tandem eandem deflagrationem sæpius repetendo perfectus sal medius obtineri, si post unamquamque detonationem, quod relictum est alcalini, Nitri Spiritu denuo saturaretur, ut in Nitro sic aliquoties regenerato successive tantum Salis Succini deponeretur, quantum ad salem perfecte neutrum constituendum necessarium esset. Sed supervacaneum est tædiosam hancce operationem instituere, quum quidquid hoc modo possibile est, compendio effici possit: si pro detonatione faciendâ ipse Sal Succini adhibeatur (§. XXXIII. 10a.) Ejus pro Nitri drachma unâ, requiritur circiter drachma  $1\frac{1}{2}$ , tantum itaque quantum ejus in Succini unciiis 4. cum dimidiâ continetur. Fac detonationem: Invenies purum putum alcali, tale quale acquiris, si loco Salis Succini pulverem carbonum sumsisse. Quid ergo? Certo certius decidere licet acidum nostrum in hac operatione semper unâ cum Nitri acido in auras dissipari, ut inde nihil concludere liceat.

§. XLVII. Quæ idem Vir Cel. tradit: Detonationem Nitri cum Succini æquali quantitate non succedere, Nitrum intactum relinqui, & crystallos nitriformes, prunis injectæ detonantes, inde acquiri; addito specioso argumento superfluum Succinum gravi suo oleo, admisso phlegmate & muc-



laginosâ materie detonationem Nitri plus impedire quam juvare: Ea an ingenii acumini, an imaginationi, an vero experientiæ debeantur, rerum peritus facile judicabit; & vel imperitus, si solummodo perpendit operationem in crucibulo candente semper instituendam esse, in quo Succini Oleum & Phlegma utcunque gravia, ocyus in auras avolant. Sic sane eorum superpondium cito tolleretur, nisi invitâ naturâ Nitrum Succini deflagrationem impedire dicas. Equidem Succini deflagrationem fieri neque affirmat neque negat; dicit tantummodo operatione peractâ inveniri salem, qui per evaporationem magnam partem in crystallos vere nitrosas redigatur, magis tamen opacas, quam adhibitum Nitrum fuerat, earumque opacitatem adhærenti pauco oleo tribuendam censet. *Une bonne partie de ce sel — n' étoit que des Crystaux de Nitre, plus terne à la verité qu'il ne l'étoit, quand je l'avois employé, ce qui venoit apparemment, d'un peu d'huile, qu'il avoit contracté du Succin pendant l'Operation.* Ecquis unquam vidit Nitrum oleo infectum in crucibulo candente non detonare?

§. XLVIII. Patet itaque, quæ hucusque consideravimus Viri Cel. rationes & experimenta pro acidi nostri naturâ illustrandâ, accuratum examen non sustinere, quin facile omnia corruant. Majoris momenti videtur, quod (pag. 174.) refert, Salem Succini cum Oleo Tartari per deliq. combinatum abiisse in salem medium ejusdem cum eo, qui (§. XLIII.) descriptus fuit, naturæ, id est, secundum Auctoris hypothesein, in Salem Marinum; Eum Mercurium ex Aquâ Forti cum effervescentiâ,  
Argen-

Argentum ex eâdem absque effervescentiâ formâ albâ præcipitasse; cum superaffuso acido vitrioli efferbuisse, & odorem Spiritus Salis exhalasse. Est sane Experimentum, quod omnium primum institui meruisset: Ipse itaque idem plus simplice vice, quantâ potui curâ, sed longe alio eventu tentavi, quemadmodum ex (§. XXXIII. 8.) patet. Quæ Cel. Auctor de virtutibus sui, quod sic obtinuit, salis asserit, ea, etsi pleraque verissima credam, de ejus tamen naturâ longe aliter sentio. Valde suspicor Salem non debitâ accurate confectum fuisse, & ex ipsis, quæ alleguntur, experimentis patet eum non perfecte neutrius naturæ, sed pro maximâ parte alcalinum fuisse. Unde aliâs effervescentia cum Oleo Vitrioli, & Solutione Mercurii in Acido Nitri? Sal Marinus, si superaffunditur Oleum Vitrioli, sylvestres vapores exhalat, sed non effervescit; idem Argentum & Mercurium absque effervescentiâ præcipitat. Vellem Vir Cel. explicasset, qui contigerit, ut Sal cum solutione Mercurii efferbuerit, cum solutione Argenti non item: hæc forte magis quam illa diluta fuit. Cæterum de calce, quæ præcipitata fuit, albâ nihil inferre licet, quoniam quæ (§. XLV.) desiderari dictum est, etiam hic desunt.

§. XLIX. Liceat tandem pace Viri Celeberr. argumentum, quo ipse eorum sententiam, qui Salem Succini Vitriolicum pronunciant, optime refutavit, etiam nostro scopo accommodare. Recte observat (p. 158. 159.) Salem Succini solutioni Mercurii in Aquâ Forti nullam omnino mutationem



nem inducere, eumque propterea neutiquam Vitriolicum habendum esse, cum Vitrioli Acidum Mercurium ictu oculi citius in Turbith præcipitet. Est & argumentum & conclusio inde deducta omni exceptione major: Sed Doct. Auctor, dum alios refutat, eâdem operâ propriam suam sententiam lethali vulnere cædit. Acidum Salis Marini, five purum, five cum basi alcalinâ quâcunque junctum, Mercurium ex Aquâ Forti ocyus specie calcis candidæ, Præcipitatus Albus dictæ, excutit: Cum vero Sal noster hancce solutionem non attingat, is naturæ ab acido Salis communis quam maxime diversæ censendus est.

§. L. Remotis jam quæ obstabant, facile erit ostendere, indolem nostri Salis cum Acidi Marini proprietatibus nullatenus convenire. Componendo cum alcalinis, fixo, vel volatili acquiritur sal neuter longe alius, quam si acidum Salis cum iis junctum fuisset (§. XXXIII. 8); si cum acido salis tractetur, illi non jungitur (ibid. n. 11. 13.). Quamvis cum Spiritu Nitri solvatur, cum eo destilletur, nunquam Aquam Regiam efficit (n. 12. 25.); Acidum Salis ex Spiritu Salis Ammoniaci expellit (n. 14. — 16.). Creta in eo soluta, iterumque exsiccata, aquâ fervidâ difficulter solvitur, cum in acido Salis soluta sponte deliquescat (n. 17.). Sal Succinî Plumbum vix rodit (n. 30.), quod tamen Acidum Salis sat facile solvit. Argentum, Mercurium Aquâ Forti soluta non præcipitat (n. 35. 36.).

§. LI. Unicum superest *Vegetabile Acidum*,  
cum

cum quo comparare nostrum debemus. Id illi plurimis suis dotibus simile esse Cel. POTTIUS (e) tradidit. Sunt tamen & hic nonnulla, & nova quidem experimenta, quæ naturæ inter utrumque magnum discrimen arguunt. Si Acidum Vegetabile esset, Sal medius (n. 8.) idem cum Tartaro tartarifato, & is (n. 9.) idem cum Tartaro solubili fuisset; sed neuter horum uni vel alteri similis deprehenditur. Muria nostri Salis Cretam itemque Plumbum in Aceti Acido soluta (n. 20. 38.) momento quo instillatur præcipitat.

§. LII. Si jam omnia hucusque dicta, eâ quâ merentur, attentione considerentur, nullam amplius dubitationem remansuram confido, quin Sal noster, etsi manifeste acidus, à tribus Acidorum Fossilium generibus æque ac à Vegetabili Acido, sit quam maxime diversus. Et profecto vel ad primum adspectum, absque prævio chemico examine, aliquid sibi privum præ se fert; semper enim formâ solidâ in crystallis regularibus comparet, cum aliâs crystalli in salibus mediis, aut saltem ad medios accedentibus, quibus acidum & alcali simul inest, conspiciantur; acida vero quæcunque, si pura sint, non nisi liquida obtineri possint. Equidem Cl. MACQUER (f) eum concretum dicit, qui paucam terram & oleum sibi intime unita habeat; & hoc respectu Cremori Tartari eundem comparat. Oleum illi adhærere neutiquam negandum, id tamen quodammodo ejus inquinamentum haberi potest; cum, quo magis ab

(e) L. c. p. 71.

(f) L. c. p. 212



ab oleo liberetur, eo semper pulchrior, purior efficaciorque evadat. Præterea partium diversarum compositio in Cremore Tartari est multo manifestior, eæque per simplicem destillationem à se invicem divulsæ separatim sistuntur, ut ex Tartari analysi, cuivis notâ, patet. Sed Succini Salem, quomodocunque tractes, vix destruis, semper pristinum, magis homogeneous acquiris.

§. LIII. Cæterum de *indole* ejus specialiora dicere vix licet, quam quæ in ipsâ experimentorum historiâ (§. XXXIII.) contenta sunt. Inde enim de præcipuis ejus proprietatibus constare potest; quosnam cum alcalinis & absorbentibus, cretâ saltem, sales efficiat neutros; quænam solvat metalla; quænam & ex quibus præcipitet acidis; à quibusnam, quæ ipse solvit corpora, iterum excutitur, omnia dicta ibidem sunt. Quæri interim adhuc posset, quemnam in acidorum serie locum occupare possit? Si à debiliore incipias, sequitur Vegetabile, præcedit Vitriolicum, fluctuat Marinum inter & Nitrosum. Expellit Acidum Aceti, dum ipse pellitur à Vitriolico; Cretam nec ex Acido Salis nec Nitri præcipitat; sed nec illa per hæc Acida ex Succini muriâ excutitur; (Exp. 19. 20.) quod quin singulari hujus salis lentori tribuamus nihil vetat. Acidum Salis à basi alcalinâ volatili in Sale Ammoniaco abstrahit, (nº. 14. 15. 16. 24.) & forte respectu Nitrosi cum eâdem basi juncti idem faceret, si experimentum citra dislosionis periculum institui posset; idem Acidum, si cum basi fixâ conjunctum inveniat, intactum relinquit. Videtur itaque

que cum alcali volatili singularem colere amicitiam. An autem statim post acidum Vegetabile; an medio Marinum inter & Nitrosum loco collocandus sit, id fatius est adhucdum indecisum relinquere.

§. LIV. Varii Auctores, cum Salem nostrum ad notum jam acidum tam prope accedere crederent, *Problema* proposuerunt: *An artis ope possibile sit eundem componendo producere.* Id ut revera impossibile non existimarim, crediderim tamen quam difficillimum. Naturam à Summo rerum Satore atque Parente ita fabricatam videmus, ut quotidie ex simplicissimis uti apparent rebus, novas, stupendas omnibus, generationes nobis sistat; operatur autem Instrumentis sibi privis, accedente exquisitissimo regimine, hominum acumen ne comprehendendis quidem, nedum manibus tractandis, imitandis. In hujuscemodi certe rebus, *mirabiliter occulta natura nec perspicui nec cognosci potest.* Poteris itaque innumeras partium, earumque proportionum combinationes novas iterum iterumque tentare: Sed frustra eris, si vel maxime obvium naturæ productum ipse combinando imitari satagis. Varia tentavi, frustraneo tamen eventu, ut hic ea referre supervacaneum foret. Tentent alii: Felicior me *Phyllida solus habeto.*

§. LV. Tertia Succini, quam chemica analysi præbet, nobilis pars, *Oleum* est. De eo, cum ob temporis, quibus arctabar, angustos nimis cancellos non licuerit nisi pauca quædam experimen-



imenta instituire, quæ dicam multa non habeo: sed & vix opus erit pluribus id facere, cum oleum hoc quoad dotes suas optimo jure ad notum naturæ productum *Petroleum* nimirum referri possit, & ab Auctoribus recte relatum sit. Itaque amborum horum convenientiam tantum ostendere animus est. De Petrolei naturâ dotibusque plenior tractatio, quæ adhucdum desideratur, pro nostro scopo nimis prolixa foret.

§. LVI. Oleum, quod in Succino latet fere omne, si paucam ejus quantitatem, quæ in limine operationis destillat, excipias, impurum, spissum, empyreumaticum obtinetur, & multum terreæ materiæ sibi junctum habet; sub finem imprimis destillationis adeo crassum prodit, ut sæpe grumi ejus mucilagine in globulos coacti, si aquæ immittantur, alii vasis fundum petant, alii aliquando in eâ mediis hæreant. Ubi ergo pro experimentis oleum desideratur, id præviâ depuratione indiget, quæ rectificatione, quam dicunt, perficitur. Ea vel ex retortâ, vel ex cucurbitâ iterum iterumque repetitâ destillatione, absque vel cum additamentis fit. Si absque ullâ re additâ eam instituis, tunc videre poteris, quantum capitis mortui & quale relinquitur, cujus semper sat multum, prout ab aliis oleis empyreumaticis, invenitur. Post unâ vel alterâ vice repetitam operationem bene purum; si tertiâ vel quartâ vice eadem reiteretur, tandem excolor aqueæ fere limpiditatis oleum prodit. Additamenta, quæ commode adhiberi possunt, varia sunt; v. gr. aqua, absorbentia quæcunque, farina laterum, & similia. Aquam si eligas,

eligas, ea magnâ, ratione olei, quantitate adhibenda est: Tunc in excipulum nil transit, nisi quod aquæ ebullientis calore volatile est, & simul odor empyreumaticus destruitur, ut oleum evadat purissimum. Si in aquæ locum Sp. V: substituaturs (nam & Alcoholis ebullientis calore oleum nostrum sublime fertur) tunc omnium purissimum; pellucidissimum acquiritur: Sed simul lentâ valde est hæcce procedendi methodus, nimisque dispendiosa, nisi eandem operationem sæpius instituas; tunc enim eundem iterum Vini Spiritum, qui in excipulum cum oleo transiit, denuo adhibere potes. Absorbentia etiam quam optima sunt; serviunt enim ad materiem viscidam irretiendam, ut oleum ab adherentibus sordibus liberetur: Sed forte simul boni olei multum in iisdem nimis pertinaciter defigitur, quam ut commode per destillationem absque novo empyreumate iterum separari possit. Ergo rectificatio cum aquâ, aut olei per se aliquoties repetita reliquis methodis antehabenda videtur.

§. LVII. Singularem Oleum nostrum rectificandi methodum præscripsit magnis in Chemiâ inventis Celeb. GLAUBERUS (g). Tradit illud cum Spir. Salis multum limpidius, quam per se rectificatum; cum Sale Tartari minus pellucidum, sed fortius obtineri. Addit: Si post factam cum Spir. Salis depurationem, idem cum aquâ Regia bene concentratâ destillationem denuo subit, tantam acquirit subtilitatem, ut Martem & Venerem quodammodo solvere, & in optima convertere medicamen-

(g) Furni Philosophici Part. I. pag. 36. 38. 39. & Part. II. p. 225. Amst. 1661. 8vo.



mentâ valeat. In secundâ hâc rectificatoriâ destillatione, non omne oleum transit, sed magna ejus pars stygiâ aquâ figitur, & inspissatur instar pulchræ Mastiches, in calore mollis, & ad digitorum ductum æque ac cera sequacis, in frigore adeo duræ, ut frangi & in pulverem teri possit; coloris est splendentis aurei, . . . An revera, quæ hic promittuntur, effectû obtineri possint, nescio: mihi saltem operationem ex præscripto instituenti tam felici esse non contigit, ut pulchra illa acquirerem producta. Adhibui pro destillatione oleum jamjam pulchre depuratum, idem vero post factam utramque operationem magis flavescens spissiusque recuperavi. Spiritus Salis, & Aquâ Regia imitata in excipulum redeunt. In retortâ residuum habui multum carbonis nigri, friabilis, qui igni impositus ob acidum salis illi adhærens decrepitat & diffilit, vel in cineres comburitur. Alio loco (b) prioribus multo magnificentiora scripta leguntur: Docet enim simplicissimâ encheiresi pulcherrimum conficere Succinum, artem in quâ detegendâ multi hucusque operam lusere. *Oleo Succini depuratissimo affundatur Spiritus Salis bene concentratus: Post factam in vitreo vase digestionem oleum tantum salis iterum attrahit, quantum ejus indiget, ut in solidam miræ pelluciditatis Succini Glebam rigescat.* Diceres hanc Succini conficiendi methodum à Patronis Acidi Salis in Succino Marini excogitatam fuisse. Tentent ergo, si ita videtur, & si experimentum ex voto succedat, sententiam suam stabiliore quam hucusque fundamento collocatam gaudebunt, quin præterea inter

(b) Ibidem Part. IV. p. 38.



ter *Adeptos* optimo jure locum sibi postulabunt.

§. LVIII. Oleum optime depuratum demum ad nobiliorem quemcunque usum vel ad experimenta adhibendum est: Ejus enim proprietates ex miscelâ cum aliis deteguntur; quæ quo minus bene succedat, etsi in oleo puro fieri possit, in impuro fordibus illi adhærentibus impeditur. Res exemplo illustrari meretur. Olea Vegetabilium quæcumque sive expressa, sive destillata intimum cum Alcohole connubium ineunt, si pura nitidaque sint; eadem vero si spissa, viscida, empyreumatica fumantur, Spiritu Vini affuso utcunque digerantur, & concutiantur, ambo liquores sponte iterum à se invicem secedunt. Itaque conclusio de nostri Olei Vegetabili vel Minerali stirpe deduci exinde nullatenus potest, quod non depuratum cum Alcohole miscelam constantissime renuat.

§. LIX. Sed quidnam cum eodem quam depuratissimo fieri possit, videndum jam est. Id quantum quidem experimentis cognitum habeo, non solubile est, nisi in Oleo Vitrioli, Spir. Terebinthinæ, Oleis & Balsamis Vegetabilium; cum *Alcalinis* in homogeneous liquidum combinare hucusque nullatenus potui, etsi diutissime in modico calore digesserim; ea enim utcunque concutias & morâ adjuves, sponte & citissime quidem iterum à se invicem secedunt. Cum purissimo *Alcohole* idem contingit, neque mediante tertio quodam liquore Alcoholi & Succini Oleo amicissimo amborum miscela obtineri potest. Oleum *Succini*, Spir. *Terebinthinæ* & *Alcohol* immisi in



eandem lagenam, & fortiter omnia concussi: Terebinthina cum Succini Oleo conjuncta fuit, supernatante Alcohole; superadditum *Oleum Tartari* in fundum subsedit, ibique separatim hæsit. *Spir. Salis Ammon.* conjunctus fuit cum Alcohole, cum eoque supernatavit. Oleum Succini si Spiritum Terebinthinæ sibi junctum habet, is superaffuso Alcohole inde non abstrahitur, neque idem Spiritui Vini jam junctus à superaddito Succini Oleo cum Alcohole divortium facit, ut cum Succini Oleo connubium ineat. Sed omnium optime Olei nostri cum Spiritu V. incommiscibilitas ex (§. XXVIII. 2.), vel ex utriusque simul factâ destillatione patet: ambo enim calore in expulsum propulsa non aliter, ac aliàs cum aquâ & oleis contingere solet, sese averfantur, Oleo Succini hic in fundum subsidente.

§. LX. Ex hisce experimentis plurimorum de Oleo nostro Auctorum sententia pulchre confirmatur: illud nempe optimo jure *Minerali Regno* tribuitur, & ejusdem, quoad generaliora, cum *Petroleo* naturæ esse recte existimatur. Petroleum datur diversæ admodum puritatis & subtilitatis, quemadmodum & Succini Oleum, quod habetur crassissimum, mucosum; sed si probe depuratum sit, adeo subtile, penetrans, volatile, flammam facile arripiens & pertinaciter retinens, ut ad Naphtham fere accedat. Ea tamen omnia, quantum quidem cognitum habeo, in eo conveniunt, ut cum Alcohole miscelam constanter recusent, quum Vegetabilia Olea ejus connubium alia plus alia minus appetant. Nonnulla ex hisce  
Spi-

Spiritui Vini difficulter ; spiffa , empyreumatica olea nequaquam junguntur : eadem tamen cum aquâ rectificata ab Alcohole post brevem in calore digestionem perfecte solvuntur. Id v. gr. in *Oleo Pseudosuccini* expertus sum. Hoc in destillatione dat oleum empyreumaticum Alkoholi nequaquam miscibile , quod tamen cum eodem , post peractam cum aquâ rectificatoriam destillationem , factâ in calore digestionem amice in homogeneous liquorem coit. Itaque Succini Oleum ab Oleis quoque Vegetabilium empyreumaticis quam maxime differt.

§. LXI. De Succini *Capite mortuo* pauca dicenda supersunt. Succinum sive in retortâ violentissimo igne torqueatur , sive vivâ flammâ comburatur , relinquit sat multum nigerrimi *Carbonis* , vel potius *Terræ cum inflammabili fixissimo principio junctæ*. Hæc phlogiston sibi tam pertinaciter incuneatum habet , ut in crucibulo leviter tecto , trium horarum spatio , fortissimo calcinationis igne continuo ignita ab eo penitus liberari non potuerit , quin adhuc nigredinem suam conservarit , & Nitro in crucibulo ignito fluenti injectum cum strepitu detonuerit. Per hanc ignis violentiam in spongiosam , duram massam coalescit , tumque pro multo maximâ parte terrâ apyrâ constare videtur. Ea falsi vix quidquam sibi junctum gerit , vel si habet , id non est alcali fixum , sed pauca Salis Communis quantitas quæ externe Succino adhæsit. Ferri semper quædam particulæ , postquam omnis massa in pulverem trita est , Magnetis ope detegi & separari



pārari commode possunt. Si integræ massæ, unde ferrum extractum nondum est, Acidum Salis vel Nitri affundis, vapores rubri, copiosi surgunt, quemadmodum ab iisdem acidis limaturæ Martis superaffusis contingere solet. Vitrioli Acidum, si concentratum instillatur, vix ullam mutationem inducit; aquâ dilutum excitat effervescentiam, sed quod solvitur tam parum est, ut non facile sub sensus cadat. Attamen etiam ex hoc Ferri præsentia se manifestat, quod talis est naturæ, ut ab Acido Vitrioli concentrato difficulter, ab eodem dilutiore facillime solvatur. Si Alkali aut Terra absorbens effervescentiæ causa esset, ea ab admixto acido quocunque concentrato fortior quam à debiliore fieret.

§. LXII. Si jam Succini Caput mortuum cum residuo ex destillatione siccâ Vegetabilis cujuscunque comparatur; sat magna inter utriusque naturam differentia deprehenditur. Ex hisce enim, Vegetabilibus puta, semper verus obtinetur carbonis, qui admoto ad liberum aëra igne facile inflammatur, & per sponte continuatam scintillationem tandem in cineres alcalinos fatiscit; vel si ignem non tam facile capiat propagetque, potest saltem per lenem calcinationem facile in cineres comburi. Cineres elixando dant alcali fixum, relinquunt terram puram, *virginem*, cui semper nunc plures nunc pauciores Martis particulae intermixtæ sunt Magnete separandæ. Hoc respectu, quoad particulas ferreas nimirum, Succinum cum Vegetabilibus convenit; diversum se monstrat, quod non converti possit in carbonem  
scin-

seintillantem , combustilem , cineres alcalinos & terram puram. Fatendum tamen haud tantum reperiri differentiam , si quod Terebinthinâ , Balsamum vegetabile , relinquit Caput mortuum , nostro Succini confers.

§. LXIII. Hucusque Succinum , quale à Naturâ jam perfectum sistitur , quantâ fieri potuit accuratione , contemplati sumus. Etsi affirmare non ausim omnes ejus partes Chemicâ arte elicitas tales revera in Succino præexistisse , quales ignis menstruum eas , totius corporis compage solutâ , à se invicem divulsas monstravit : Saltem de Succino in genere ejusque partibus , prout analysis eas sistere valet , vel quidquam affirmare veritus sum , nisi quæ experientiâ duce & teste verissima esse compertum haberem. Optarem certe , ut dum de *Succini Generatione* quædam addere debeo , possibile foret eodem tramite & hic procedere ; sed plana satis & expedita via cum asperâ & tenebricosâ commutanda est , quam intrare vix audeo. Ars nostra in componendis non æque ac in resolvendis corporibus potens est ; Succinum certe adhucdum producere non valuit : ejus itaque , ut & cæterorum Fossilium cognitu difficillima est generatio.

§. LXIV. Non potes artis impotentiae auxilium quæsiturus ad ipsam Naturam confugere , ea enim in tenebricosis terræ visceribus huic operi intenta curioso Physicorum oculo se subducit , ibique sola , æternâ nocte occulta , invisâ agere amat.

Nil



Nil itaque reliquum est, quam ut ex variis circumstantiis, ipsoque effectu ad ipsius operis rationem concludamus. Sed & hic multiplex occurrit erroris occasio, quo opinata quædam similitudo, vel minus casta artis cum naturâ comparatio, & incauta ex analysi inductio, vel & auctoritatis præjudicium non satis circumspectis, rerumque causas explicare prurientibus, facile imponit. Factum exinde fuit, ut quam plurima, quæ de hac re tradita apud pleròsque fuerunt, meri fere ingeniorum lusus sint; & Succini Origines nunc ex Vegetabili, modo ex Animali, post ex Fossili Regno repetitæ, à multis *explicatæ*, *demonstratæ*, hucusque incognitæ manent.

§. LXV. Qui in *Animali Regno* Succini natales quæsierunt, etsi Natalem ejus Regionem plane ignorasse videantur, voluerunt tamen utcunque, vel ex corporis adspectu, vel conjecturâ, vel poëticâ fictione de ejus origine judicium ferre. Hinc vel Lyncis densatas Lacrymas quin Urinam (*i*) (unde Lyncurium dixerunt, qui idem forte quod Succinum.) (*k*); vel Meleagrum deflentium Avium Lacrymas (*l*); vel Elephanti sperma (*m*), vel denique Cetorum spumam Pontici undis duratam, esse affirmarunt (*n*).

§. LXVI. Multo autem numerosior scriptorum

co-

(*i*) Demonstratus Plinii l. c.

(*k*) Strabo Lib. IV. p. 202.

(*l*) Sophocles citatus Plinio.

(*m*) Ctesias reprehendente Aristotele. Adoptata fere opinio à SCALIGERO in notis ad Cardan.

(*n*) Cardan. de Var. Reb. Cap. 15.

cohors, quorum tamen plerorumque iudicium aliis quam præcedentum ducibus directum non fuit, Succinum *Vegetabilis Regni* prolem crediderunt. Ex horum opinione fuit: vel Gummi ex Populi arboribus destillans (*o*); Populi nigræ (*p*), vel Heliadum (*q*) in arbores mutatarum, dum fratris Phaëthontis casum plangebant, rigescentes Lacrymæ, quas Populos alii, alii Alnos dixerunt (*r*). Defluens Medulla arborum Pinei generis, densata rigore, vel tepore, aut Mari (*s*); Arborum Succus, vicini solis radiis expressus atque liquens in proximum Mare delapsus, ac vi tempestatum in adversa littora exundans (*t*). Huic sententiæ inter recentiores nonnulli adhuc favent, inter quos præcipui *Sendelio* citatus RAPPOLT (*u*), & Anglus Scriptor FOTHERGILL (*v*).

§. LXVII. *Fossili* tandem *Regno*, & in illo *Bituminum Ordini* vindicarunt Auctores fere omnes, qui post AGRICOLÆ, præcipue C. GESNERI

(*o*) Aristotel. Mirab. Auscult. Libr. p. m. 1092.

(*p*) Dioscorid. de M. M. Lib. I. Cap. 113. *Æginet-  
ta Pharm. simpl.* p. m. 24.

(*q*) Diod. Sicul. Lib. VI. Cap. 8. Ovidius *Metamorph.*  
L. II. v. 264.

(*r*) Dionys. Afer *Cosmograph.*

(*s*) Plin. Natur. Hist. Lib. 37. §. 11. Vid. SALMASII  
*Plin. Exercit. Tom. I. p. 165.*

(*t*) Tacitus de Morib. German.

(*u*) De Origine Succini in Littorè Sambienfi. Regio-  
monti. 1739.

(*v*) Philosophical Transactions. Vol. XLIII. A. 1744.  
p. 21.



NERI (x) tempora Naturali Scientiæ nomen dedere, quorum præcipuos (§. V.) citatos vide.

Horum certe sententia mox recensitis, quæ Succinum Animali vel & Vegetabili Regno tribuunt, longe antehabenda videtur: Quum pro eâ natura Succini Bituminosa, Locus Natalis & Chemica Analysis loquantur; et Succinum quocunque respectu consideretur, naturæ à Vegetabilibus diversæ se monstret. Componitur, ut in antecedentibus ostensum fuit, Aquâ, Sale acido, Oleo & Terrâ. Aquam, etsi ea ad Fossile pertineat Regnum, cum Vegetabilibus communem habet; Sal volatilis acidus etiam ex Vegetabilibus formâ solidâ v. g. ex Terebinthinæ destillatione siccâ & insigni quantitate ex Gummi Benzoin obtinetur; Oleum itidem in omnibus Naturæ Regnis copiosum existit: sed sunt Salibus & Oleis Mineralibus proprii, generici Characteres, qui, quos Succinum fundit Salem & Oleum ad Fossile Regnum stricte determinant; quoad Terram tandem, sive residuum ex destillatione, Succinum quoque aliquid sibi privum, à Vegetabili quocunque diversum habere jam probatum fuit. Huic sententiæ non obstat, quod plures Auctores existimant illud à Succo Lignorum infra terram sepulorum oleoso, & accedente insuper acido quodam formari: Hoc etsi verum esse concederetur; quamvis Succinum primigeniam suam materiem Vegetabilibus debere assumeremus, id nihilominus fossile censendum erit; cum omnes ejus partes componentes ob insignem, quam subeunt transformationem, Mineralem Naturam induerint.

(x) Epistolæ Medicinal. p. 45b. 68b. Tig. 1577. 8vo.

duerint. Sic Vegetabilia ex Fossilibus; Animalia ex Fossilibus Vegetabilibusque formantur, aluntur, crescunt, sustentantur & reciproca transformatione, perpetuo circulo, Fossilis Naturæ denuo participia fiunt: Singula tamen in statu quo actu existunt ad proprium Regnum, Genus & Speciem determinata sunt.

§. LXVIII. Succinum ergo ad Fossile Regnum proprie pertinere jure pronuntiare licet. Sed *an-  
ne Maris, vel Telluris productum* sit, etiam disceptatum fuit, ideo quia ingens ejus vis per Maris æstum ad littus eructatur, vel ex Mari hauritur. Saltem illud ab aqua marinâ formari ne-  
tquam probabile est; ea enim cum per totum, qua patet, Oceanum ejusdem fere naturæ deprehendatur, si per se Succino generando apta esset: Mare ubique æque succiniferum videremus. Hinc veritati magis consentaneum existimamus dicere Succinum strikte Telluri tribuendum esse, atque in ejus gremio natum Oceani fluctibus; eodem ac alia plura Maris ejectamenta modo, è fundo eripi, & in continentem propelli. Huic sententiæ, quæ per se satis placet, magnum pondus addit Fossile Succinum, quod non tantum in maritimis, sed & à Mari satis dissitis locis è terræ visceribus eruitur. Et revera omne, quodcunque invenitur Succinum, Fossile propriè & ejusdem naturæ censendum est: Nam quod in continente fodiendo efficit hominum industria, idem & in Maris fundo, aliâ tantum ratione, peragitur, dum ventis commota aqua superficialia terræ strata sensim sensimque abluit, Succinum



num detegit, & facili dein operâ in apricum producit. Quæ pro eâdem sententiâ magis firmandâ ab inclusis Succino heterogeneis peti possunt argumenta, collecta vide apud Cl. *Sendellium*.

§. LXIX. Jm Succinum *Telluris* proprie *productum* esse existimamus. Facile etiam concipi poterit, terram, quæcunque ad ejus formationem requiruntur, in sinu suo inclusa recondere, illudque in Terrâ formari posse, etsi fossilis Ligni & Vitrioli diversa strata, quæ in Borussiâ copiosa inveniuntur, plane absint. Nonne eadem, quæ arboribus suppeditat unde crescant & resinas suas forment (ex quibus nonnulli Succinum postea nasci dicunt) terra, propriis à summo rerum Conditore sibi concessis instrumentis materiem Succino producendo aptam ita disponere & modificare posse videtur, ut absque Vegetabilis Regni interventu nobile nostrum Bitumen componatur? Saltem Fossile Regnum villioris notæ bitumina & innumera alia præstantissima corpora in propriâ suâ ditione fabricata & perfecta nobis sistit: cur in Succino non idem contingeret?

Sed persuasi cum simus *sapientiâ à naturâ vinc*ci, *hominum vel sapientissimo non dedecori esse*, veremur mirandum, quo illa nobilem hancce glebam ex notis quodammodo Succini partibus perficiat, modum, temerariâ explicatione obscuriorem reddere. Nil juvat hâc in re *Spiritum Gorgonium* & alia æque mysteriosa in subsidium vocare: res per se impedita, vix unquam explicanda, tantum intricatior redditur. Cui volupe est, quæ

quæ alii tradidère, perspicere, is *Sendelium* & *Neumannum* sæpius excitatos adeat oportet. Sed forte CICEO redivivus si legeret, repeteret suum (y): QUID IPSORUM INTERPRETUM CONJECTURÆ? NONNE MAGIS INGENIA DECLARANT EORUM, QUAM VIM CONSENSUMQUE NATURÆ?

§. LXX. Circa *Regiones*, quibus *Succinum* *natale* debetur, in diversa abeunt Auctores: sunt qui plura Orbis Terrarum loca succinifera prædicant; plures soli *Borussiae* hanc gloriam vindicatam velent. Si abundans tantum spectetur copia, hi verum dicunt; Borussia enim Succini quasi promus condus appellari meretur. Sunt tamen & aliæ regiones, quæ Succinum produxerunt, vel adhuc dum producunt. Nonnullis nobile hocce corpus perperam tributum fuit, vel propter minus accuratas relationes, vel propter incautas observationes, ob quas diversæ arborum succinei coloris & pellucidæ Resinæ pro genuino Succino venditæ fuere.

§. LXXI. Sic sane de *Asiaticis*, *Africanis* & *Americanis Succinis*, de quibus Itineratores hinc inde mentionem injiciunt, sentiendum est, & quidquid de hisce narratur sublestæ fidei videtur: quum vel Gummata, variasque Resinas externo habitu Succinum mentientes ab illis hoc nomine celebratas invenias. Unicum eorum chemice examinavi, quod ex Oris Beynensibus Africæ allatum Amstelodami modo sub nomine Succini

(y) Cic. de Divin. L. II.



cini Orientalis, (forte quia navibus Societatis Indicæ Orientalis affertur) modo pro genuino Gummi Copal divenditur; Eadem Refina, quia etiam ex nonnullis Americæ locis affertur, sæpius Succinum Americanum audit. Coloris est plerumque leviter flavescentis, vitreæ pelluciditatis; odoris ab illo Succini plane diversi; sæpe etiam insectis gravidum reperitur. Est plane compactum, multo autem Succino fragilius; caute tractatum Torro quidem figurabile est, sed modico calore molitum figuram denuo mutat. Non solvitur Aquâ, nec Spir. Vini, facillime vero in Balsamo de Copaivâ adjuvante leni calore, & omnibus supra recensitis oleis, quibus ferventibus injectum, statim liquescit, multo citius quam verum Succinum solet; perfecte quoque solvitur Oleo Vitrioli colore profunde purpureo. Destillatione exhibuit paucum Phlegmatis pene insipidi; ingentem vero Olei quantitatem, ut ex uncia 1 ultra drachm. 6 $\frac{1}{2}$  extraxerim; Salis ne spiculam quidem. Carbo residuus inflammabilis in cineres facile redigitur; Oleum rectificatum perfectum cum Alcohole miscelam subit. Abunde sic & Vegetabilem suam originem, & à Succino diversitatem prodit.

§. LXXII. Itaque de solâ *Europâ* certo constat, eam Succini feracem esse. Ejus jam olim antiquissimis temporibus foecunda genitrix fuit, & adhucdum permanet *Borussica Tellus*, & hujus imprimis Littus *Sudavicum*, unde vel hauriendo vel fodiendo ex *Ligneâ Lutosâve Venâ* extrahitur, & per totum fere Orbem divenditur. Observatum quoque subinde fuit in *aliis Baltici Maris Littori-*  
*ri-*

ribus; in ipsis mediterraneis *Daniae* & præprimis *Seelandiae* regionibus (z). *Fossile* dein exhibet, parciore licet copia, *Saxonia* (a) & nonnullæ aliæ Germaniæ regiones hinc inde in N. C. Ephe-meridibus descriptæ. In *Electoreatu Hannoverano* vidit LEIBNITIUS (b); in *Galliâ* PEIRESCIUS (c); in *Siciliâ* BOCCONE (d). Alia nonnulla loca quorum incertior fides recensita videri pos-sunt apud *Hartmannum* & *Sendelium*.

§. LXXIII. In *Comitatu Oldenburgerensi* ab ali-quo tempore Bituminis fusci nigricantis species effossa fuit, quæ externo habitu Succinum menti-tur; differt tamen graviori, piceo fere, quem tri-tum spirat, odore. Frustum ejus, quod singulari benevolentiae Fautoris Optimi Celeberr. Prof. AL-LAMAND gratus debeo, analysi subjeci. Pondus Unc. dimidiæ destillatione exhibuit productorum liquidorum, pauci nimirum Phlegmatis & copio-sioris Olei dr. 3. gr. 34; Residuus fuit nigerrimus nitens carbo; Salis vero acidi inde omnino ni-hil accepi, etsi destillationem in eodem cum Suc-cino postea describendo furno & eodem tempore insti-

(z) Bartholinus in *Act. Med. Philosoph.* Hafn. Vol. I. Obs. 57. p. 111. & Vol. II. Obs. 122. p. 308.

(a) Hoffm. l. c. Sendel. *Hist. Succ.* p. 217. Von Justi *Neue Wahrheiten zum Vortheil der Naturkunde.* Achtes Stuck. Cap. VI. Leipzig. 1755. 8vo.

(b) *Protogæa.* Gottingæ 1738. 4to.

(c) Gassendus in *Vita Peirescii* p. m. 116. *Mem. de l' Acad. R. des Sc. A.* 1700. p. 11. 1703. p. 17.

(d) *Museo de Fisica e di Esperienze* Obs. v. p. 32. Venet. 1697. 4to.



instituerim. Quidnam de aliis ibidem effossis Bituminibus, quæ albidi, flavescentis, nigri coloris esse dicuntur, quorum specimina adhucdum oculis lustrare & examinare non contigit, sentiendum sit, ignoro.

§. LXXIV. Sed alio vocor. Si vel ulla recentiarum in præcedentibus regio, Borussiam exceptâ, Succinifera prædicari meretur: Patriæ Urbi vicinum locum eodem cum aliis jure gaudere evincam.

Vellem equidem, ut plenior *novi* hujus *Succini*, ejus in Terrâ finis, variorum quibus tegitur & sustinetur stratorum descriptionem tradere valerem: sed longinqua nimis a loco absentia, ea tantum, quæ amicorum aliorumque litteris rescire potui, hic recensere permittit. Si in Patriam reduci ipsius regionis propior inspectio, & accuratum examen, observatu digna offerent, ea in aliam, quam fors forte tulerit, occasionem reservata sunt.

Locus ubi reperitur dictus WISHOLZ, continetur in districtu RAMSEN, duobus circiter miliaribus à Patriâ Urbe distat, & versus Meridiem collium saltuumque tractu cinctus est; in mediâ altioris Montis altitudine planities est, quæ antea pratum fuit, nunc in agrum mutata. In declivi ab hac planitie ad convallem tractu ipse locus est, in quo Succinum primum inventum fuit. Is usque ad Annum 1724. sylvâ erat confitus, quâ eradicatâ, fundus culturâ in agrum fuit mutatus. A. 1723. rusticus inter arandum Succini Glebam, vel *Flavum Lapidem*, ut appellabat, invenit, & ad

ad Loci Toparcham Nobiliss. PEYERUM ut ignoti & insoliti quid attulit, qui rei novitate ductus in loco præsens levi operâ ipse plures inde glebas extraxit. Res postea in totum oblita fuit, nisi quod rustici nonnunquam relictis arborum truncis è terrâ evellendis occupati, cum ad hoc perficiendum profundiores fossas agere coacti essent, inter opus suum sat insignem ejusdem quantitatem eruerint.

§. LXXV. Succinum hic effossum cum illo quod ex Borussîâ affertur omni dote penitus convenit. Reperitur plerumque in sat magnis glebis. In collectione Optimi Præceptoris Celeberr. GESNERI frustum asservatur trium Unciarum cum dimidiâ; Quod ipse ulteriori Examini subjeci, fuit Unciarum 2. Dr. 7. figuræ ad ovalem accedentis, densum, compactum, flavescent, undulatum minus transparens, crustâ laxiore lineæ 1, coloris crocei in purpureum vergentis cinctum, quâ derasâ facile polituram admisit. Cæterum semper est odoris fragrantissimi, perfecte Succinei. Inventum fuit coloris plus minus flavescentis, candidi, ad album accedentis, transparens, semipellucidum, opacum, nunquam nigrum. *Gravitas specifica* ad Aquam est ut 1, 080 : : 1, 000.

Unciam destillationi commisi, unde productorum sollicitè separatorum acquisivi:

<i>Phlegmatis</i>	—	gr. xxv.
<i>Olei</i>	3vj.	gr. vj.
<i>Salis</i>	—	gr. xxx.
<i>Cap. mort.</i>	—	gr. xlii.



Id ergo Salis, cujus sublimatio quæ destillando fit Succinum ab aliis Bituminibus distinguit & propterea ut distinctivus hujus ab aliis character considerari meretur, partem decimam sextam sui ponderis contineret: Majorem fane quantitatem, quam vix in ullo Succino observata fuit. Nullum adhuc detectum fuit stratum vitriolicum, nec in hâc regione Lignum Fossile, vel Lithantrax vel alia Bitumina inveniuntur; Et ex antecedentibus jam patuit Succinum non in venas seu strata dispositum, sed tantummodo hinc inde dispersa frustra eruta fuisse; Neque adhuc repertum fuit heterogeneis gravidum. Hæc sunt, quæ Nobilissimo Viro D. PEYERO Patriæ Urbis Senatori Amplissimo relata gratus debeo, qui etiam Succini glebam ad tentamina necessariam benigne mecum communicavit.

§. LXXVI. Unicum adhuc adjicere operæ pretium erit, de quo relatione harum regionum coloni certior factus sum: Is autem utpote earum rerum, quas rescire gestiebam, ignarus, quasi ficta retulisset, suspectus esse nequit. Confirmatis iis quæ mox recensui, addidit: semet jam A. 1723 flavos hosce lapides & ejusdem coloris succum, (*Gelbe Steine und Saft*) observasse, quæ ideo singularia & mira sibi visa sint, quod focî flammæ admota candelæ accensæ adinstar conflagrassent. Est sane optimæ notæ testimonium, cui jam plenam fidem amplius denegare non possum, cum ipse glebulam *mollis Succini* ex eodem loco extractam in Museo Celeberrimi D. Profess. GAUBII asservatam conspexerim: Ea est  
flave-

flavescentis coloris, odoris Succinei, ceræ instar mollis, digitis pro lubitu formanda & sigilli capax; simul autem diuturnâ asservatione & tractatione paululum rigescere incipit.

§. LXXVII. Reliquum est, ut paucis adhucdum in *Usus*, qui ex Succino in commoda vitæ humanæ redundant, inquiramus.

Pro *Usu Oeconomico* tornum scalprumque varia utensilia & toreumata ex Succino efformant; in vernicis dein confectioe id vario modo infervire supra dictum fuit, de quâ re hîc agere scopus non est.

§. LXXVIII. Majoris vero momenti Succini & ex illo chemicâ arte Præparatorum in *Re Medicâ usus*: Hinc paulo accuratiorem meretur considerationem. Liceat vero propriâ experienciâ destituto, quæ alii de his tradiderunt & laudaverunt repetere. Amuleti ratione infantibus infervire omnique ætate contra lymphationes, & urinæ difficultates prodesse *Plinius* tradidit (*e*); Tritum potumque stomachi alvique fluxiones sistere *Dioscorides* docuit (*f*), *Arabes* repellentibus id annumerantes menstrua coitumque abscindere dixêre (*g*). Sed missis his paucis, quæ recentiores addiderint videndum restat. Succinum ipso grato, quem tritum spargit odore mire reficit, accensum variis suffimigiis summo cum fructu admiscetur.

(*e*) L. c. §. XII.

(*f*) L. c. 113.

(*g*) Abenguesit Simpl. Virtut. p. m. 320 — 323.

Mesue Antidotar. fol. 70.



cetur. In tenuissimum pollinem tritum nomine *Succini præparati* varia antispasmodica & nervina ingreditur medicamenta; quin & solum à nonnullis in Gonorrhoeâ vel & Hæmorrhagiis profusis adhibitum legitur: An vero durissima, solvique fere nescia Succini compages, specificum, quem multi sibi promittunt effectum in corpore fortiatur, dubitari posse videtur: Legi certe merentur quæ de hac re commentatus est Doct. TRALLES (*b*). Insigniore usu se commendat *Succini Tinctura*, cujus aliquanto mutata vide præparationem (§. XVII. Exp. 4.). Hæc antispasmodicâ, nervinâ suâ virtute teste ILL. BOERHAVE (*i*) in Hypochondriacis, Hystericis, Languentibus, Frigidis, Aquosis, Mucosis, Leucophlegmaticis, Catarrhosis, & ex his causis sæpe Convulsis miræ utilitatis deprehenditur. Hinc à BOYLEO, & HELOMONTIO inter summa antispasmodica, & antepileptica relata est.

§. LXXIX. Quas Chemica Analysis ex Succino elicit partes, singulæ suum usum in arte medendi præstant.

*Sal* bene depuratus virtute suâ summe cephalicâ, detergente, balsamicâ turbis in nerveo systemate oppositâ præcipue in urinarias vias agit & diaphoreticorum, vel & purgantium virtutem illis parcâ dosi admixtus intendit. Vis ejus antiseptica, Obs. Cl. PRINGHLE ad eam Salis  
Ma-

(*b*) Virium, quæ terreis remediis gratis hætenus adscriptæ sunt, Examen rigorosius. Wratish. 1740. 4to.

(*i*) Elem. Chem. Tom. II. p. 233.

Marini est uti 20: : I. Illustri BOERHAVE (*k*) Antihystericorum & Diureticorum princeps nominari meruit. An forte Cuprum hoc Acido vel potius Salē medio Ammoniacali (¶. XXXIII. Exp. 9.) solutum, lenius, medicoque usui magis accommodatum præberet remedium?

*Oleum* rite depuratum vim habet acrem, balsamicam, concitantem, diaphoreticam, emenagogam, Hystericis utilem facultatem (*l*). Infamiam quidem apud nonnullos incurrit, dum minus prudenter in Gonorrhœâ, Calculo, & Mensibus suppressis exhibitum, sæpe in exitium ægrotis cessit. Cum Sp. Salis Ammoniaci arcano antea, nunc vero ut alii contendunt (*m*) detecto artificio in *Aquam Lucii*, (*Eau de Luce*) abit: Sed ut verum fatear, mihi idem aliquoties ex præscripto tentanti, non successit processus. Externe illitum *Oleum* præstans remedium ad dolores fixos, rheumaticos, quin ad contracta, paralytica, torpidaque membra sananda laudatur.

Cæterum quæ magis composita medicamenta Succinum, vel integrum vel pro parte ingrediat, apud Pharmaceuticæ Artis Scriptores, vel in compendio apud Clar. Neumannum quæras precor.

## T A N T U M.

(*k*) Elem. Chem. Tom. II. p. 188.

(*l*) Ibidem.

(*m*) Recueil Periodiques d' Observations de Medecine, Chirurgie, Pharmacie Tom. V. Mois de Sept. & d'Oct. p. 307. & seqq. Paris. 1756. 8vo.



# I N D E X.

Pag. 83

- A**cida non solvunt Succinum 16.  
 Acida praecipitant solutionem Succini oleo Vitrioli factam 17.  
 Alkali fixum solvere Succinum statuit Hoffmannus 17.  
 Alkali non omnino solvit Succinum 14, 16:  
 Alcohol cum Succino destillatum ab affusa aqua non turbatur 15.  
 Alcohol cum Succino destillatum dat tincturam praestantissimam 15.  
 Alcoholi immixtum Succinum dat tincturam Succini 14.  
 Alumen cum Succino exhibet Pyrophorum 23.  
 Ambra 9.  
 Antimonii regulus a salis Succini solutione non solvitur 44.  
 Aqua non mutat Succinum 13.  
 Argentum aqua forti solutum a solutione salis Succini non praecipitatur 44.  
 Argentum a solutione salis Succini non solvitur 44.  
 Asphaltum 9.  
**B**ερνικη, βερνικη 6.  
 Bisinutum a solutione salis Succini solvitur 44.  
 Bitumen 9.  
 Bitumen fossile 9.  
 Bitumen Judaicum 9.  
 Bitumen Oldenburgense fusco-nigricans 76.  
 Bituminosi cepites 9.  
 Bituminum distinctio 9.  
 Bourdelin examinatur & carpitur 48 ad 55, 57.  
**C**arabe 7.  
 Cecabre 7.  
 Cera ad ignem fluens emollescit Succinum 17.  
 Cespites Bituminosi 9.  
 Cetorum spumam volunt nonnulli Succinum esse 69.  
 Colophonia Succini 28.  
 CrySTALLORUM salis Succini in aëre non deliquescentium confectio 41;  
 Cuprum a solutione salis Succini solvitur 43.

- E**lectricitas Succini 13.  
 Electrum 6.  
 Elephantiferma voluere nonnulli Succinum esse 69.

**F**errum a solutione salis Succini solvitur. 43.  
 Ferrum in capite mortuo Succini 66.

**G**agates 9.  
 Glessum 6.

**H**alonitrum 30.

**L**ignum fossile 9.  
 Lithantrax 9.  
 Lyncurium 69.

**M**ercurius aqua forti solutus non præcipitatur a solutione salis Succini 44, 56.  
 Mercurius a solutione salis Succini non solvitur 44.  
 Muria salis Succini citius in crystallos abit, si creta in ea soluta fuerit 41.

**N**aptha 9.

**O**dor gratus in Succino 11.  
 Oleum Lauri Succino imprægnatum atmosphæræ temperie fluidum manet 19, 20.  
 Oleum, Sal & Terra adsunt in Succino 15.  
 Oleum Succini convenit omnino cum Petroleo 61.  
 Oleum terræ 9.  
 Oleum Vitrioli præcipitat Succini tincturam 15.  
 Oleum Vitrioli solvit Succinum 16.

**P**etroleum 9, 65.  
 Petroleum omnino convenit cum Oleo Succini 61.  
 Pisasphaltum 9.  
 Platina a solutione salis Succini non tangitur 44.  
 Plumbum acido vegetabili solutum præcipitatur a solutione salis Succini 44.  
 Plumbum a solutione Salis Succini vix roditur 44, 57.  
 Plumbum liquefactum non tangit Succinum 18.  
 Pondus specificum Succini vulgaris 12.

Pon



Pondus specificum Succini Wisholzensis 78.

Pottio obloquitur 34, 44.

Pyrophorus ex Succino & alumine 23.

**S**accharum coctione liquefactum non inducit mutationem Succino 17.

Sal, Oleum & Terra adsunt in Succino 15.

Sal Succini 29 *vide porro* Succini Sal.

Sal Succini a nonnullis ad acida reducit 31.

Sal Succini a nonnullis alcalino-volatiliū classi adnumeratur 30.

Salia nulla, vitrioli Oleo excepto, solvunt Succinum 16.

Salis alcalini lixivium Succinum solvere statuit Hoffmannus 17.

Salis Succini depuratio 32.

Salis Succini primi Inventores 30.

Sapor nullus in Succino 11.

Spiritus vini quodammodo solvit Succinum 14.

Stannum a solutione salis Succini solvitur 44.

Succini analysi 24, 25.

Succini caput mortuum 66.

Succini caput mortuum Ferrum continet 66.

Succini colophonia 28.

Succini color a cera fluente mutatur 18.

Succini color a plumbo liquefacto obscurior evadit 18.

Succini confectio secundum Glauberum 63.

Succini electricitas 13.

Succini in Oleis solutiones cum spiritu Terebinthinæ miscelam subeunt 21.

Succini Oleum 60.

Succini Oleum ab Oleis vegetabilium empyreumaticis differt 66.

Succini Oleum cum quibusdam miscibile 64, 65.

Succini Oleum destillatione adeptum impurum est 61.

Succini Oleum omnino convenit cum Petroleo 61.

Succini Oleum quomodo depurandum 61, 62.

Succini Oleum Succinum solvit 19.

Succini origo dubia 69.

Succini patria 9, 75, 76.

Succini phlegma 28, 29.

Succini pondus specificum 12.

Succini sal 29.

Succini sal acido cuinam accensendus sit, disputatur 45.

Succini sal acidus est 31, 45.

Succini sal acidus est diversi generis ab omnibus acidis salibus 58.

- Succini fal ad alcalino-volatiliū classem relatus est a nonnullis 30.  
 Succini fal cum aqua forti non dat aquam regiam 37.  
 Succini fal cum creta junctus amittit suam volatilitatem 41.  
 Succini fal cum floribus salis ammoniaci dat spiritum fumantem 39.  
 Succini fal cum floribus salis ammoniaci destillatus dat parum spiritus salis 37, 38.  
 Succini fal cum pulvere carbonum non dat hepar sulphuris 36.  
 Succini fal cum sale communi sublimatus relinquit salem communem 37.  
 Succini fal in sublimatione cum floribus salis ammoniaci non miscetur 38.  
 Succini fal vitriolicus non est 56.  
 Succini fal vix rodit plumbum 44, 57.  
 Succini salis crysalli 33, 34, 35.  
 Succini salis crysalli ad ignem liquecunt & avolant 34.  
 Succini salis crysalli cum alcalinis effervescent 34.  
 Succini salis crysalli cum nitro ad ignem fluente detonant 36.  
 Succini salis crysalli cum oleo Vitrioli non effervescent, aut vapores emittunt 35.  
 Succini salis crysalli difficulter solvuntur in aqua frigida, contra facile in calida 34.  
 Succini salis crysallorum in aere non deliquescentium confectio 41.  
 Succini salis crysalli Syrupum Violarum rubro colore tingunt 34.  
 Succini salis crysalli vix solvuntur in spiritu Vini vel Terebinthinæ 34.  
 Succini salis depuratio 32.  
 Succini salis muria cretam solvit 41.  
 Succini salis primi Inventores 30.  
 Succini salis solutio non præcipitat Argentum vel Mercurium aqua forti soluta 44.  
 Succini salis solutio non solvit Argentum, Mercurium, Platinam, vel Regulum Antimonii 44.  
 Succini salis solutio præcipitat Plumbum acido vegetabili solutum 44.  
 Succini salis solutio fistit menstruum variorum Metallorum 43.  
 Succini solutiones in oleis miscelam subeunt cum oleo Vitrioli 21.  
 Succini solutiones non subeunt præcipitationem ab alcalicis 22.  
 Succini spiritus 28, 29.  
 Succini tinctura subit præcipitationem ab oleo Vitrioli. 15.  
 Succini Vernix 21.  
 Succini vires medicæ 89.



- Succini Wisholzenfis analysis 7
- Succinum 9.
- Succinum ab acidis & alcalinis non solvitur 16.
- Succinum ab alcalini salis lixivio solvi statuit Hoffmannus 17.
- Succinum ab alcali non omnino solvitur 14, 16.
- Succinum ab aqua nullam patitur mutationem 13.
- Succinum ad regnum fossile pertinet 72, 73.
- Succinum alcoholi immisum dat tincturam Succini 14.
- Succinum a plumbo liquefacto intactum manet 18.
- Succinum Arabice Carabe & Cecabre 7.
- Succinum a spiritu vini quodammodo solvitur 14.
- Succinum Beynense Africanum non est Succinum verum 74.
- Succinum cera ad ignem fluente immollescit 17.
- Succinum continet Oleum, Salem, & Terram 15.
- Succinum cum alumine dat Pyrophorum 23.
- Succinum destillatum cum alcohole dat præstantem tincturam 15.
- Succinum fossile 10.
- Succinum funditur ab igne, sed quando 27.
- Succinum funditur in oleo lini 28.
- Succinum Græcis recentioribus *βερνικη* & *βερνικη* 9.
- Succinum Græcis veteribus *ηλεκτρος* 5.
- Succinum grato gaudet odore 11.
- Succinum haustile 10.
- Succinum in informes massas semper reperitur 10.
- Succinum in oleis indurescere dixere nonnulli 18.
- Succinum lectum 10.
- Succinum liquefacto coctione Saccharo non patitur mutationem 17.
- Succinum liquescit in Balsamo de Copaiva & Terebinthino 19.
- Succinum liquescit in oleo amygdalino, 18, 19, 20.
- Succinum liquescit in oleo Cajeput 19, 20.
- Succinum liquescit in oleo Lauri, Nucis, Papaveris, Rapa-  
rum, Rosmarini, Succini 19.
- Succinum Lynceis densatas lacrymas voluere nonnulli 69.
- Succinum molle 19.
- Succinum Nitro ad ignem fluenti injectum detonat 22.
- Succinum Nitrum mutat in alcali fixum 22.
- Succinum non solvitur ab ullis Salibus, excepto oleo Vitrioli 15.
- Succinum opacum album friabilius est reliquis 12.
- Succinum pellucidum & candidum nunc est in æstimatione 12.
- Succinum Romanis Electrum & Glesum dictum 6.
- Succinum saporis expers 11.
- Succinum solutum ab oleum Vitrioli non admittit miscelam  
acidorum vel alcalinorum 17.

- Succinum solvitur ab Oleo Vitrioli 17.  
Succinum sulphure liquefacto immollescit 18.  
Succinum ubi reperiatur 9. 75, 76.  
Succinum vegetabilis originis statuere nonnulli 70.  
Succinum viride rarum est 12.  
Succinum volvere nonnulli esse sperma Elephantum vel spumam  
Cetorum 67.  
Succinum Wisholzenfe 77.  
Sulphur liquefactum immollescit Succinum 18.  
Sulphur vulgare 8.

**T**erra, Sal, & Oleum in Succino adsunt 15.

- V**apor inflammabilis 9.  
Vernix aurei coloris pro Aurichalco 21  
Vernix ex Succino 21.  
Viride Succinum rarum est 12.  
Vitrioli Oleum solvit Succinum perfectissime 17.

**Z**incum a solutione salis Succini solvitur 44.



# CATALOGUS LIBRORUM,

Quos

CORNELIUS DE PECKER.

*Ipse inprimendos curavit, vel maximam partem*

*sibi comparavit.*

**A**lbinus (B.) de Incrementis & Statu Artis Medicæ seculi decimi septimi, 4to L. B. 1711

Anonymi Introductio Anatomica Gr. & Lat. Item Hypatus de Partibus Corporis Gr. & Lat. cura D. W. Trilleri & J. S. Bernard, 8vo cum fig. ibid. 1744

Arctæus Cappadox de Causis & Signis acutorum & diuturnorum Morborum, cum Comment. integris P. Petiti Med. Paris. atque Clariss. J. Wigganii doctis & laboriosis Notis, & Celeberrimi Maittarii Opusculis in eundem, tandemque Erudit. atque Celebrat. D. W. Trilleri Observ. & Emend. cura Herm. Boerhaave, Gr. & Lat. in Folio L. B. 1735

**B**ammacaro Tentamen de Vi Electrica ejusque Phænomenis in quo Aëris cum Corporibus universi æquilibrium proponitur, 8vo Neapol. 1748

Berneri (G. E.) Diss. de Efficacia & Usu Aëris Mechanico in corpore humano, 1. de Fungo Mammarum cancroso curato, 2. de Conquassatione Vesicæ Urinariæ cum abscessu Scroti, 3. de Usu pinguedinis Viperinæ in curatione Cataractæ oculorum, 4. de Pulsu Coturnizante, ut & 5. Dissertatio de Calculo Renum, ejusque cura, 8vo Amst. 1738

Boer-

Boerhaave (Herm.) Prælectiones Academicæ de Morbis Nervorum 2 voll. 8vo Lugd. Bat. 1760

————— Tract. de Viribus Medicamentorum cum novis annotationibus D. B. Boudon, 8vo Venet. 1753

————— de Utilitate explorandorum in Ægris Excrement. Dissert. 8vo ibid. 1742

————— & Vailland de Structura Florum Latino-Gallic. 4to ibid. 1718

————— *Essay sur la Caractere du Grand Medecin ou Eloge Critique*, 8vo 1747

**D**emetrii, Pepagomeni Liber de Podagra Gr. & Lat. cum Not. J. S. Bernard. cum fig. 8vo L. B. 1743

*De Coré Elemens des Sciences Principales, qui sont la Metaphysique, la Logique, & les Math. universelles, mis a la Portée de tous les Mondes, par Demandes & Responses*, 8vo Leide 1749

*Dissertation sur la Perfection du monde corporel & intelligent, ou l'on démontre en détail le merveilleux Méchanisme, par lequel Dieu a voulu, que les espèces des Hommes, des Animaux, & des Plantes se perpétuassent, pendant un tems déterminé. L'on y refute aussi le Systeme des Natures plastiques, renouvelé par Cudworth & quelques autres Auteurs modernes; l'on recherche les fins, que Dieu a eu en vue en créant le Monde, & en fin l'on expose les raisons, jusqu'à present peu connues, tant du Mal Physique que du Mal Moral par W. G. Muys, Professeur en Médecine & Math. dans l'Université de Franequer, L. B. 1750 Traduit par Monfr. le Pr. Allemand.*

*Dissertation faite sur la Question Physique, proposée 1739. par l'Academie des Sciences a Bourdeaux, quelle soit la Cause de la fertilité des terres, on ayant remporté le Prix assigné d'Une Médaille d'Or, Publiée par J. A. Kulbel, 4to 1749.*

Douglas Lateralis Operationis Historia, seu Descriptio Methodi calculum extrahendi, qua vulnus proxime Offi Ischii Tuber magnum per Integumenta Communia & Levatorem uni lateri vesicæ infligitur; intactis Urethra, Prostatibus, Seminalibus Vesiculis, 4to L. B. 1728

**E**ustachius (B.) de Plethora sive Multitudine, 8vo L. B. 1746

**F**abricii (Hieron.) ab Aquapendente Opera omnia Anatomica & Physiologica, cum Præfatione B. S. Albini, Folio L. B. 1738 cum fig.

*Fasciculus Dissert. quarum prima de Tutiona Choroidea Aust. L. Heystero Secunda de Febrium intermittentium causa A. C. Linnæo Tertia de Naturali Fœtus in Utero Materno situ*



- tu A. J. Onymos. quarta de Causa Vocis cordis alternæ A. A.  
Ens, 8vo L. B.
- Freind (Joh.) Opera omnia 5 Tom. 3 Voll., 8vo ibid. 1750  
quibus continentur
- Prælectiones Chymicæ & alia Opuscula, 8vo.
- Emmenologia, in qua fluxus Muliebris Menstrui  
phænomena, periodi, vitia, cum incedendi Methodo ad Ra-  
tiones Mechanicas exiguntur, 8vo
- Commentarii novem de Febribus ad Hippocra-  
tem de Morbis Popularibus, 8vo
- de Purgantibus in secunda Variolarum confluen-  
tium Febre, 8vo
- Historia Medicinæ a Galeni tempore usque ad  
initium seculi decimi sexti, 8vo
- G**aubius (H. D.) de Vana Vita Longa, 4to L. B. 1734
- Chemiam Artibus Academicis Jure esse insec-  
rendam, 4to ibid. 1731
- de Regimine Mentis, quod Medicorum est, 4to ibid 1747
- s Gravesande Physica Elementa sive Introductio ad Philosoph.  
Newt. Experimentales, 4to 2 voll. L. B. 1742
- Gorter (J. de) Medicina Hippocratica, 2 Voll. 4to Amst. 1744
- Chirurgia repurgata, 4to. L. B. 1742
- de Respiratione Insensibili cum Fig. & Effig. 4to  
ibid. 1736
- Materia Medica, 4to Amst. 1740
- Medicina Dogmatica; tres morbos particulares, de-  
lirium, vertiginem & tussim aphoristice exhibens, 4to Hard. 1741
- Medicinæ Compendium, 4to 2 vol. Amst. 1735
- Morbi Epidemici brevis descriptio & curatio per  
Diaphoresin, 4to Hard. 1733
- de actione viventium particulari, 4to Amst. 1748
- Gronovii Index Suppellectilis Lapidææ, 8vo ibid. 1750
- Flora Virginica, exhibens Plantas, quas V. C. Joh.  
Clayton in Virginia observavit atque collégit, 8vo L. B.  
1743 pars secunda.
- Flora Orientalis. a Rauwolfio lecta L. B. 8vo.
- Gulich (J. A.) Meditat. Theoretico Præctica de Furore Hæmor-  
rhoidum internarum, 8vo ibid. 1723
- Guyot (C.) Dissertatio Medico Præctica de Peripneumonia Not-  
tha, 4to L. B. 1750
- H**arvei Opera omnia de Secretione Animalium & de Motu  
Cordis cum Præf. S. B. Albini 2 Voll. 4to L. B. 1737
- Hof-

Hofman de Ortu & Incremento foetus humani, 4to L. B. 1758  
 Hugonii Opera varia 4 tomi 2 vol. Contin. Opera Mechanica,  
 Geometrica, Astromonica & Opera Miscellanea, cura Prof.

G. J. 's Gravelande, cum fig. ibid 1751. 2 voll. 4to  
**J**uchem (C. H.) Dissertatio Medica de Variolis, atque Actione  
 Miasmatis Variolosi, 4to L. B. 1755

**K**ielman (T. Z.) de Incubo, 4to L. B. 1739  
**L**api (J. H.) Dissertatio de Curatione Stranguriae contumacis.  
 accedit Epistola de Acidula ad Ripam Tiberis, 4to Romae

**M**<sup>1745</sup>acquet de Vitiis Vasorum, 4to L. B. 1756  
 Muys (Guil.) Musculorum Artificiosa fabrica Observationibus co-  
 piofissimis & Experimentis Physicis demonstrata atque Ico-  
 nibus manu auctoris delineatis illustrata, ibid. 1751. cum fig. 4to  
**O**ribasii Anatomica ex Libris Galeni, cum versione Latina J.  
 B. Rasarii, cum notis & observat. Gulielmi Dundas gr. & lat.  
 4to, L. B. 1735

Oudenaarden (W.) Dissert. Medica de Viglio Sano & Morbofo,  
 4to L. B. 1757

**P**alladii de Febris Synopsi Gr. & Lat. cum not. Ph. J. Mauffaci  
 & J. S. Bernard. Accedunt Glossae Chemicæ, & excerpta ex Poë-  
 tis Chemicis ex Codice MS. Biblioth. D. Marci, 8vo ibid 1749

Pape (J. del) de Præcipuis Humoribus; & H. Barbatii Exercitatio  
 de Sanguine & ejus Sero, 8vo ibid. 1736

Parenti (P. A.) de Dosibus Medicamentorum cum Præf. H. D.  
 Gaubii, 8vo L. B. 1761

Pitarni (A.) Dissert. Medicæ, quarum multæ nunc primum pro-  
 deunt; subjuncta est Thomæ Boeri M. D. ad Archib. Picarnium  
 Epistola, qua respondetur Libello Astrucii Francii, 4to Edinb.

<sup>1713</sup>  
 Psellus de Lapidum virtutibus Gr. & Lat. cum notis P. J. Mauf-  
 faci & J. S. Bernard, accedit Fragmentum de colore san-  
 guinis ex Doctrina Medica Persarum, nunc primum ex Co-  
 dice MS. Bibl. Lugd. Batavæ editum, 8vo L. B. 1745

Payva [G. R. de] de Morbis Cerebri & Mentis, qui extra ce-  
 rebrum originem ducunt, 4to Romæ 1751

Swammerdamii [J.] Tractatus de Respiratione usuque Pulmo-  
 num. Accedit A. Haller de Diaphragmatis Musculis cum fig.  
 4to L. B. 1738

*Traité complet des Accouchemens Naturelles, non Naturelles & con-  
 tre Nature avec des Reflexions sur L'art ed' accoucher: par S.  
 de la Motte, 4to a Leide 1729*



DE

COLICA  
P I C T O N U M.

AD 1100

AD 1100